



Prakata

Inilah keempat tahun “Terangilah Bangsa Kita”. Momentum doa syafaat bagi bangsa telah meningkat dengan begitu menggalakkan. Kami percaya bahawa musim 40-hari Puasa & Doa berada dalam arah yang tepat. Pemulihan ekonomi daripada kemelesetan tahun 1997, perlindungan daripada wabak (misalnya, SARS dan selesema burung), peralihan kepimpinan negara yang berjaya (2003) dan pengendalian Pilihan Raya 2004 yang lancar, menyatakan belas kasihan Tuhan.

Di tengah-tengah keadaan yang optimis dan pengharapan ini, Gereja mempunyai lebih banyak kerja dengan peluang-peluang yang diberi oleh Tuhan. Kedamaian yang kelihatannya wujud di negara ini memanggil kita untuk

menyambut dengan bersemangat panggilan Tuhan “Dia mahu semua orang diselamatkan serta mengetahui ajaran benar tentang penyelamatan, kerana hanya ada satu Allah dan hanya ada satu yang dapat memimpin manusia kepada Allah, iaitu Kristus Yesus yang datang ke bumi sebagai manusia.” Oleh itu, NECF Malaysia dengan sungguh-sungguh menjemput anda untuk melibatkan diri dengan lebih giat dalam 40-hari Puasa dan Doa & Kerja Amal dan juga Perhimpunan Doa Kebangsaan di pekan anda masing-masing.

“Rumah-Ku Akan Disebut Rumah Doa” adalah tema bagi tahun 2004. Gereja yang berlutut akan memerintah bangsa bersama dengan Tuhan. Semoga kemuliaan Tuhan memenuhi Malaysia seperti air menutupi lautan.



Berdoa 24-Jam bagi Malaysia

Berdoa 24-jam mempunyai dasar Alkitab dan sejarah. Berdoalah untuk memasuki ruang yang lebih besar daripada ruang anda sendiri dan lebih lama daripada masa komitmen anda sendiri apabila anda bergabung dengan orang seiman yang lain dalam SATU SUARA untuk membungkus bangsa kita dengan doa.

Apakah yang diajarkan Alkitab kepada kita mengenai doa yang berterusan?

Yesus berkata kepada para pengikut-Nya dalam satu perumpamaan di dalam Lukas 18 bahawa orang harus sentiasa berdoa dan tidak patah semangat. Imamat 24 memberitahu kita bahawa api di atas mazbah “tidak boleh padam.” Itulah lambang pujian, ibadah, doa syafaat, dan perdamaian yang dipersembahkan oleh imam-imam Tuhan. Di dalam Yesaya 62, Tuhan bercakap tentang mengutus pengawal di atas tembok-tembok Yerusalem yang “siang malam mereka tidak boleh diam.”

Apakah yang diajarkan oleh sejarah kepada kita mengenai doa yang berterusan?

Pada tahun 1727, pencurahan Roh Allah yang berlaku kepada satu jemaah Jerman memimpin mereka kepada pengakuan dosa dan pertaubatan. Hasilnya, 24 orang wanita dan 24 orang lelaki bersetuju untuk mengambil masa satu jam satu hari, 24 jam sehari, berdoa bagi berkat Tuhan turun atas jemaah dan kesaksian mereka. Inilah permulaan 100 tahun lebih “doa syafaat setiap jam” oleh



anggota gereja Moravia. Daripada gerakan doa ini, ribuan orang penginjil dan mubaligh pergi ke seluruh Eropa, Amerika Utara, Afrika, dan Asia.

“Dengan sehati mereka sering berkumpul dan berdoa bersama-sama” — Kisah Rasul 1.14.

Laman web NECF Malaysia www.necf.org.my akan mengikut jadual menurut peruntukan masa yang merangkumi setiap 1/2 jam bagi setiap hari selama 40 hari, dengan menyenaraikan semua nama orang yang mendaftar untuk berdoa. Anda boleh mendaftar untuk Berdoa 24-Jam dengan mengirimkan e-mel yang menyatakan masa-masa anda berdoa kepada prayer@necf.org.my atau melayari laman web tersebut.

Sementara anda mendaftarkan butir-butir peribadi, nama-nama negeri dan pekan akan ditunjukkan –



Berdoalah sesuai dengan sasaran doa ini – Yeremia 29:7; 1 Timotius 2.1-3, (bagi pekan dan penguasa) Amsal 11:10-11; 28.12; 1 Yohanes 2.15-17; Matius 5.16 dan Kejadian 18:16-33; Yesaya 62:6,7 (bagi Gereja).


Peribadi: Sesiapapun boleh mendaftar secara peribadi dan berdoa sesuai dengan sasaran-sasaran doa tersebut, di rumah masing-masing pada jam-jam yang dipilih sendiri, atau pada masa-masa tertentu atau setiap hari selama 40 hari. ATAU peribadi mungkin ingin berdoa bersama dengan seorang teman atau kelompok orang pada masa-masa yang sesuai bagi semua. ATAU peribadi boleh mendapatkan bantuan kelompok kecilnya, kelompok pembelajaran Alkitab, atau lingkungan yang lain untuk mengambil beberapa jam setiap hari atau bahkan mengambil cabaran untuk mengambil seluruh masa 24 jam dalam doa.

Jemaah: Gereja anda mungkin ingin melantik ketua doa untuk mendaftarkan peribadi atau kelompok dalam gereja untuk Berdoa 24-Jam. Hal ini boleh

dilakukan dalam berbagai-bagai cara.

- Gereja anda boleh memilih satu masa dalam 24 jam dan merekrut orang untuk berdoa sama ada di rumah atau di gereja selama 1/2 jam yang ditetapkan.
- Gereja anda boleh memilih beberapa jam (4 atau 5 atau 6 jam) setiap hari selama 40 hari untuk berdoa.
- Gereja anda boleh mengambil seluruh masa 40 hari untuk berdoa.
- Gereja anda boleh bergabung dengan satu gereja lain dan mengambil beberapa jam yang ditetapkan untuk berdoa.
- Jadual masa boleh diatur dan diambil oleh beberapa kelompok dalam gereja anda seperti kelompok wanita atau pemuda-pemudi. Ingatlah bahawa masa 1/2 jam yang ditetapkan boleh diambil oleh satu orang atau satu kelompok.

Borang untuk mengatur doa gereja anda boleh didapati dari pejabat NECF atau kirim e-mel kepada prayer@necf.org.my.





Bagaimana Menikmati Puasa Anda

Puasa membawa dimensi pengorbanan kepada doa. Puasa menurut Alkitab sering kali merangkumi penyangkalan akan makanan untuk maksud yang rohani; ada beberapa cara untuk berpuasa. Beberapa orang juga berpuasa daripada bahan bukan makanan.

Puasa separuh daripada makanan merujuk kepada tidak makan pada satu atau dua kali masa makan atau tidak makan sesuatu jenis makanan (seperti daging) selama suatu masa yang ditetapkan.

Puasa penuh daripada makanan merujuk kepada tidak makan sama sekali kecuali minum air dan/atau jus selama suatu masa yang ditetapkan.

Puasa mutlak daripada makanan adalah tidak makan dan minum, tetapi sebaiknya dilakukan selama tiga hari sahaja.

Puasa terhadap bahan bukan makanan termasuklah tidak melakukan sesuatu (misalnya, menonton televisyen) yang mengganggu kehidupan rohani anda.

Sesiapa yang mempunyai masalah kesihatan atau dalam rawatan harus meminta nasihat daripada doktor sebelum berpuasa makan; dan sesiapa yang mencuba untuk berpuasa penuh atau mutlak harus meminta nasihat daripada doktor.

Pilihlah jenis puasa apa yang terbaik bagi anda. Jika hal ini baru bagi anda,

bermulalah dengan puasa separuh.

Pilihan Puasa Separuh

- *Tidak makan sekali sehari.*
- *Tidak makan dua kali pada dua hari tertentu (misalnya pada Rabu & Jumaat).*
- *Tidak makan dua kali sehari (pagi dan tengah hari)*
- *Tidak makan daging atau makanan lain.*

Pilihan Puasa Penuh

- *Tidak makan, hanya minum air dan jus selama 24 jam.*
- *Tidak makan semua makanan keras, minum air dan jus saja (Lakukan ini di bawah penjagaan doktor)*

Puasa Bukan Bahan Makanan

- *Tidak melakukan sesuatu yang mengganggu anda daripada berdoa dan mengejar hal-hal rohani.*





Amalan Keadilan Sosial

Menggabungkan doa, puasa, dan keadilan sosial dapat menggerakkan anda untuk melampaui kekhuatiran dan konsep, dan menuju kepada tindakan yang diarah oleh Tuhan, yang bererti dan membantu orang dalam masyarakat anda dan dunia, yang memerlukan keadilan sosial pada hari ini.

Doa dan puasa adalah langkah pertama dalam keadilan sosial tetapi bukan pengganti tindakan. Dalam 2 tahun kebelakangan ini, pungutan

sebanyak RM 1 juta dari seluruh negara hasil daripada 40-hari Puasa & Doa & Kempen Kerja Amal telah diagihkan kepada projek-projek yang layak menerimanya, di dalam negara dan luar negara.

Sebagai seorang peribadi, kelompok, atau jemaah, ambillah keputusan untuk tidak makan beberapa jenis makanan, tidak makan pada masa makan, atau tidak melakukan sesuatu kegiatan selama 40 hari atau beberapa hari atau bahkan hanya pada hari yang anda berkumpul untuk berdoa.

RENUNGAN

RUMAHKU AKAN DISEBUT RUMAH DOA

	<i>Peribadi</i>	<i>Keluarga /Rumahtangga</i>	<i>Gereja</i>
<i>Minggu 1: DASARYANG TEGUH</i> Bertemu Yesus, Pendoa Syafaat Kita Yang Agung <i>Ibrani 5:7-10</i>	22 Julai: Khamis <i>Yohanes 4:7-15</i> Perigi Yang Dalam	23 Julai: Jumaat <i>Kisah Rasul 10:1-7; 23-33</i> Persembahan Peringatan	24 Julai: Sabtu <i>Matius 21:12-17</i> Rumah Doa
<i>Minggu 2: KEBAPAAN</i> Mengisytiharkan Nama-Nama Tuhan Kita <i>Matius 6:9</i>	29 Julai <i>Roma 8:14-17</i> Abba Bapa	30 Julai <i>Yehezkiel 48:35; Yesaya 12:6</i> Yahweh Syammah – Tuhan Di Sana	31 Julai <i>Keluaran 3:14-15</i> Akulah AKU
<i>Minggu 3: MASADEPAN</i> Memahami Misi Tuhan <i>Matius 6:10</i>	5 Ogos <i>Matius 16:24-28</i> Ikutlah Aku	6 Ogos <i>Efesus 5:22-6:4</i> Aturan Ilahi	7 Ogos <i>Efesus 3:10-21</i> Pelbagai Hikmat
<i>Minggu 4: IMAN</i> Menerima Bekalan Harian <i>Matius 6:11</i>	12 Ogos <i>Matius 6:28-34</i> Jangan Khuatir	13 Ogos <i>Matius 15:21-28</i> Sisa Makanan pun Baik	14 Ogos <i>Kisah Rasul 2:42-47</i> Peningkatan Harian
<i>Minggu 5: PENGAMPUNAN</i> Membuka Pintu Gudang <i>Matius 6:12</i>	19 Ogos <i>Lukas 6:37-38</i> Ukuran Tuhan	20 Ogos <i>Matius 18:21-35</i> Tujuh Puluh Kali Tujuh	21 Ogos <i>2 Tawarikh 7:11-18</i> Jika Umat-Ku...
<i>Minggu 6: KEBEBASAN</i> Menang Atas Ketakutan dan Pencubaan <i>Matius 6:13</i>	26 Ogos <i>1 Yohanes 5:1-5</i> Saya Percaya	27 Ogos <i>Ibrani 13:4-5</i> Tunaikanlah Nazar Anda	28 Ogos <i>1 Petrus 2:11-17</i> Berterus-terang



Tempat Kerja /Media	Pendidikan /Anak/ Pemuda-Pemudi	Kerajaan /Penguasa	Bangsa-bangsa /Suku Kaum
25 Julai: Ahad <i>Lukas19:1-10</i> Jemputan	26 Julai: Isnin <i>Lukas7:11-17</i> Anak Tunggal	27 Julai: Selasa <i>Matius8:5-13</i> Orang Di Bawah Kekuasaan	28 Julai: Rabu <i>Matius21:21-28</i> Seruan Minta Pertolongan
1 Ogos <i>Kejadian22:14</i> Yahweh Jireh – Pembekal Kita	2 Ogos <i>Keluaran17:14-15</i> Yahweh Nissi – Panji Kita	3 Ogos <i>Yeremia33:15-16</i> Yahweh Sidkenu – Kebenaran Kita	4 Ogos <i>Hakim-hakim6:23-24</i> Yahweh Syalom – Kedamaian Kita
8 Ogos <i>Ibrani12:25-29</i> Hal-hal Fana Digoncang	9 Ogos <i>Matius18:1-10</i> Yang Terkecil Menjadi Yang Terbesar	10 Ogos <i>Mazmur2</i> Pemerintahan Mutlak	11 Ogos <i>Yesaya60:1-7</i> Bangsa-Bangsa akan Datang
15 Ogos <i>Kisah Rasul16:13-15</i> Dari Perbualan kepada Pertaubatan	16 Ogos <i>Ulangan6:4-9</i> Percakapan Dengan Anak-Anak	17 Ogos <i>Titus3:1-2</i> Rakyat yang Setia	18 Ogos <i>Matius14:15-21</i> Lima Roti & Dua Ikan
22 Ogos <i>Ulangan15:1-11</i> Menghapuskan Hutang	23 Ogos <i>Yohanes8:1-12</i> Jangan Berdosa Lagi	24 Ogos <i>Daniel9:1-19</i> Pengakuan	25 Ogos <i>Ulangan15:12-18; Yesaya60:10-12</i> Berbela Kasihan
29 Ogos <i>Roma12:14-21</i> Mengalahkan Kejahatan Dengan Kebaikan	30 Ogos <i>1Yohanes4:4-6</i> Dia Yang Di Dalam Kita Lebih Besar	31 Ogos <i>Yesaya56:7</i> Rumah Doa bagi Malaysia	



Hari 1: 22 Juli Peribadi

Perigi Yang Dalam

Yohanes 4:7-15



RUH DA BANGSA BANGSA:

India

Menukar agama kepada Kristian adalah isu yang menjadi pertentangan di India. Negeri Orissa, Gujarat, dan Tamil Nadu sudah meluluskan undang-undang yang menghalang sebarang pertukaran agama. Parti BJP juga telah menggesa negeri-negeri lain di India untuk meluluskan undang-undang yang serupa. Para pengkritik berkata bahawa undang-undang itu ditujukan khas kepada misi-misi Kristian yang melayani di kalangan suku-suku, orang miskin dan golongan kasta rendah Hindu yang disebut Dalit. Berdoalah agar gereja ada kebijaksanaan menangani perkara ini.

Ada perigi di dalam kita yang berseru meminta lebih banyak. Seperti yang dikatakan oleh wanita Samaria itu, “perigi ini dalam.” Dia cuba memenuhinya dengan lelaki. Ada di kalangan kita yang cuba memenuhinya dengan pekerjaan, pelayanan, kedudukan, makanan, membeli-belah dan sebagainya. Tetapi kenyataannya – perigi itu dalam.

“Jika kamu tahu akan pemberian Allah, dan siapa yang meminta minum daripadamu, tentu kamu akan meminta minum daripada-Nya,” kata Yesus. Sejak itu, wanita itu berubah.

Pertemuan dengan Yesus mengubah perigi kita yang kosong sehingga menjadi perigi yang memberikan air segar yang menghidupkan dan tidak pernah kering.

Semasa kita memulakan “40-hari Puasa dan Doa” tahun ini, dengan seruan untuk membangun rumah doa, semoga kita bertemu semula dengan Yesus seperti pengalaman wanita Samaria tersebut.

b e r d o a l a h :

- *Akuilah kepada Tuhan sekiranya anda berasa kering dan kosong. Mohonlah kepada-Nya untuk memenuhi anda dengan Roh-Nya. Yesus mengisytiharkan, “Air yang akan Aku beri itu menjadi suatu mata air yang memancar di dalam dirinya, dan memberi dia hidup sejati dan kekal.”*
- *Serahkanlah hidup anda untuk menyembah Tuhan sahaja, dan bukan benda-benda, aktiviti atau manusia.*
- *Relakan diri untuk digunakan oleh Tuhan supaya membawa perbezaan dalam hidup orang yang dipercayakan kepada kita.*

t i n d a k a n :

- *Pekalah terhadap hadirat Tuhan dan kasih-Nya yang berlimpah bagi anda.*



Hari 2: 23 Julai *Keluarga*

Persembahan Peringatan

Kisah 10:1-7; 23-33



RUMAH DOA BAGI BANGSA-BANGSA:

Bhutan

Bhutan adalah salah satu bangsa di dunia yang paling kurang diinjili. Gereja di sana agak muda, dan ramai di kalangan orang Kristian merupakan orang percaya generasi pertama. Orang percaya berbangsa Bhutan dianiaya dalam bentuk gangguan mental dan seksaan jasmani seperti disebat di khalayak ramai. Berdoalah agar jemaah di sana menjadi kuat meskipun masih muda.

Kornelius mendirikan rumah doa di dalam rumah tangganya. Doa dan pemberiannya amat menyenangkan hati Tuhan sehingga dianggap persembahan peringatan. Tidak lama setelah Kornelius berdoa, dengan segera Yesus mengutus satu malaikat, kemudian Petrus, lalu Roh Allah untuk datang kepada rumah tangganya. Tuhan ingat akan keluarga ini kerana Kornelius bertekun dalam doa dan puasa. Penyelamatan jiwa datang kepada seluruh rumah tangganya, para sahabat karib dan sanak keluarganya.

b e r d o a l a h :

- *Agar setiap rumah menjadi rumah doa, seperti rumah Kornelius.*
- *Agar rumah tangga mengalami pertemuan ilahi dengan Yesus, dan seluruh keluarga akan mengenal Kristus.*

t i n d a k a n :

- *Kumpulkan anggota keluarga anda dan tetapkan masa berdoa bersama-sama bermula dengan musim 40-hari Puasa dan Doa.*

n o t a :



Hari 3: 24 Julai Gereja

Rumah Doa

Matius 21:12–17



RUMAH DOA BAGI BANGSA-BANGSA:

Cina

Berdoalah bagi satu organisasi Kristian Antarabangsa yang berusaha menyediakan satu juta bahan pelayanan anak-anak kepada gereja-gereja rumah dalam tahun 2004, untuk memperkenalkan Tuhan Pencipta yang penuh kasih kepada generasi baru di Cina.

Para pedagang tidak tahu apa yang memukul mereka. Tiba-tiba, meja dan kerusi ditunggangbalik, duit syiling berjatuh di lantai, burung merpati berterbangan, dan orang dihalau keluar. “Di dalam Alkitab tertulis bahawa Allah berfirman, ‘Rumah-Ku akan disebut rumah tempat berdoa.’ Tetapi kamu menjadikannya tempat persembunyian perompak,” kata Yesus. Kemudian orang buta dan orang tempang datang kepada-Nya di Rumah Tuhan, dan Dia menyembuhkan mereka.

Jika kita tidak berhati-hati, kegiatan dan program mungkin mengambil alih apa yang pada mulanya bertujuan menjadi rumah doa, dan tempat penyembuhan bagi ‘orang buta dan orang tempang.’ Kita mesti memperhatikan dan mentaati kata-kata Yesus.

b e r d o a l a h :

- Bagi setiap orang Kristian supaya mengikut gaya hidup berdoa – bersekutu dengan Tuhan, dan berdoa syafaat bagi keperluan orang lain dan untuk Malaysia.
- Agar gereja-gereja di seluruh negara menjadi rumah-rumah doa.

t i n d a k a n :

- Berdoalah untuk pastor, pekerja penuh masa, ketua kelompok sel dan para anggota gereja anda. Jadilah anggota yang terlibat dalam rumah doa.

n o t a :



Hari 4: 25 Julai *Tempat Kerja / Media*

Jemputan

Lukas 19:1-10

Jemputan boleh menjadi saat yang paling menentukan dalam hidup. Misalnya, Zakheus. Dia seorang pedagang yang pintar, seorang pemungut cukai yang mendapat kekayaan daripada masyarakatnya. Dia dihina dan digelar ‘orang berdosa’ oleh orang Farisi.

Bagaimanapun, Yesus menjemput diri-Nya sendiri supaya menjadi tetamunya, “Aku mesti menumpang di rumahmu.”

Pertemuan dengan Yesus mengubah hidup Zakheus. Dia membuat tekad untuk mengadakan perdamaian dengan serta-merta. Masyarakat menjadi tempat yang lebih baik, kerana ada jemputan kepada satu orang berdosa.

b e r d o a l a h :

- Agar orang percaya ada hikmat untuk melaksanakan apa yang dilakukan Yesus kepada Zakheus – bersahabat dengan ‘Zakheus-Zakheus’ dan bukan menghakimi lalu mengelakkan mereka.
- Agar pertemuan seumpama itu sering berlaku dan juga pertaubatan terjadi di tempat kerja.

t i n d a k a n :

- Jemputlah kenalan anda ke gereja atau kelompok sel atau ke acara-acara yang dianjurkan.
- Ambillah masa menunaikan jemputan teman yang belum percaya. Mungkin jemputan ini menjadi satu peluang bagi pertemuan yang mengubah kehidupan.

n o t a :



RUMAH DOA BAGI BANGSA-BANGSA:

Nepal

Gereja di Nepal telah melihat pertumbuhan yang besar beberapa tahun kebelakangan ini. Operation World melaporkan pengandaan dalam bilangan sehingga menjadi 400,000 orang dalam tahun 1990-an.

“Bagaimanapun, orang Kristian masih mengalami penganiayaan. Pelampau-pelampau agama semakin giat terlibat dalam pemusnahan gereja dan serangan terhadap orang Kristian,” kata laporan seorang penginjil. Berdoalah agar gereja terus mengalami pertumbuhan meskipun ada penganiayaan.



Hari 5: 26 Julai Pendidikan / Kanak-Kanak / Pemuda-Pemudi

Anak Tunggal

Lukas 7:11-17



RUMAH DOA BAGI BANGSA-BANGSA:

Pakistan

Tujuh serangan pengganas yang sasarannya adalah gereja-gereja dan institusi-institusi Kristian di Pakistan mengakibatkan 42 orang maut dan 101 cedera sejak September 2001, apabila pemerintah Islamabad memberikan sokongan kepada serangan yang diketuai oleh AS terhadap gerakan Al-Qaeda. Berdoalah agar Tuhan memberi perlindungan yang khusus atas umat-Nya dan juga Presiden, yang baru-baru ini menjadi sasaran beberapa percubaan membunuh.

Bagaimanakah seseorang mengukur kasih ibu kepada anaknya? Kasih itu penuh pengorbanan, tidak bersyarat, tidak mementingkan diri, dan meletakkan kebajikan anaknya lebih dahulu daripada keselesaan atau kesenangannya sendiri. Apabila tragedi menimpa dan anak itu meninggal kerana penyakit atau kemalangan, hati ibu tidak dapat dihiburkan lagi.

Dalam pembacaan hari ini, seorang balu di Nain berkabung atas kematian anak lelakinya, iaitu anak tunggalnya. Apabila Tuhan melihat balu itu, Dia berbelas kasihan kepadanya. “Jangan menangis!” kata-Nya. Lalu anak lelaki balu tersebut dihidupkan semula.

Sama ada anak kita tidak sihat pada hari ini, terlibat dalam dadah, atau bermasalah, kita boleh kuatkan hati dan berseru kepada Tuhan. Dia akan mengembalikan anak-anak itu kepada kita. Tuhan akan melawat kita sama seperti Dia melawat Nain dan melakukan mukjizat.

berdoalah :

- Berdoa syafaat bagi anak-anak kita agar mereka mempunyai pertemuan peribadi dengan Yesus.
- Berdoa bagi anak-anak dan pemuda-pemudi dalam masyarakat – agar Yesus menjadi dasar kehidupan mereka.

tinadakan :

- Bincangkan dengan anak-anak apa yang telah anda doakan bagi mereka dan jadikan masa itu sebagai masa mengongsikan isi hati.
- Bersekutu dan berkongsi dengan kumpulan pemuda-pemudi, anak-anak saudara, perempuan dan lelaki.

nota :



Hari 6: 27 Julai Kerajaan / Penguasa

Orang Di Bawah Kekuasaan

Matius 8:5-13

Ketua askar mengerti tentang kuasa. Dia memberikan perintah, dan hal itu dipatuhi. Dia mengenal kekuasaan Allah atas Yesus. Dia telah mendengar bagaimana Yesus memberikan perintah agar penyakit dan roh-roh jahat pergi, dan perintah itu dipatuhi. Dia tahu bahawa hanya satu kata yang diperlukan untuk menyembuhkan hambanya yang lumpu dan menderitanya. “Perintahkanlah sahaja, tentu hamba saya akan sembuh.” Bahkan Yesus sendiri pun kagum terhadap imannya.

Kekuasaan wujud di sekeliling kita pada hari ini – dalam kerajaan, gereja, dan di rumah. Sebagai orang Kristian, kita tahu bahawa tiada kekuasaan yang wujud kecuali yang telah ditetapkan oleh Tuhan.

b e r d o a l a h :

- Bertaubatlah daripada sikap negatif kita terhadap pihak berkuasa.
- Mohonlah hikmat untuk menjalin kerjasama dengan pihak berkuasa.
- Untuk Kerajaan dan para pemimpin gereja kita agar mereka takut akan Tuhan, dan menjadi pengurus yang baik terhadap kekuasaan yang diberikan Tuhan kepada mereka.

t i n d a k a n :

- Buat panggilan atau tulis satu nota penghargaan kepada seorang pemimpin yang telah diletakkan Tuhan atas hidup anda. Patuhilah undang-undang negara, misalnya, had laju, dan jangan langgar lampu merah!

n o t a :



RUMAH DOA BAGI BANGSA-BANGSA:

Afghanistan

Afghanistan akan kembali kepada peranannya sebagai pengeluar dadah yang terutama di dunia kecuali masyarakat antarabangsa memberikan bantuan yang dijanjikan untuk membantu dalam pembinaan semula negara itu. Para petani Afghan mempunyai sedikit pilihan untuk mendapatkan wang dan ramai di kalangan mereka kembali kepada penanaman dadah. Berdoalah bagi negara-negara tersebut agar mereka menunaikan janji dan juga bagi Pemerintah agar bijak menggunakan bantuan untuk menolong rakyatnya.



Hari 7: 28 Julai Bangsa-Bangsa / Suku Kaum

Seruan Minta Pertolongan

Matius 15:21–28

Sebaik sahaja Yesus tiba di pantai Tirus dan Sidon, seorang wanita datang bertemu dengan Dia dan berseru memohon belas kasihan; dia mahu anak perempuannya dibebaskan daripada dirasuk roh jahat. “Perempuan Kanaan” itu tidak berhak menuntut kerana bangsanya. Respon yang diberikan Yesus kepadanya adalah teguran dan penghinaan. Namun, perempuan yang tidak mengenal Tuhan, dan yang tidak tahu banyak mengenai Penyelamat, tetap bertekun. Sebaliknya, imannya semakin kuat. Lalu anak perempuannya disembuhkan.

Yesus kagum dengan iman yang tetap teguh, apapun latar belakang sukunya. Orang yang melihat iman seperti itu mungkin akan menginginkannya, lalu menuai buah-buah yang sama.

b e r d o a l a h :

- *Agar kita peka terhadap seruan suku kaum yang hilang.*
- *Agar lebih ramai pekerja masuk ke ladang tuaian – mungkin termasuk kita.*
- *Agar masyarakat dan suku kaum mempunyai pertemuan dengan Yesus.*

t i n d a k a n :

- *Datanglah berbincang dengan pengarah misi anda dan minta maklumat mengenai suku bangsa yang anda boleh doakan secara tetap.*

n o t a :



RUMAH DOA BAGI MALAYSIA



Perlis

Agar kerajaan negeri mengamalkan pemerintahan yang baik. Untuk hikmat dan kesihatan bagi Menteri Besar. Berdoalah menentang pengaruh penyeludupan di sempadan, bahan-bahan lucah, dadah dan perjudian. Berdoalah bagi Gereja untuk menjadi rumah doa yang berkuasa, sehingga membawa umat Tuhan kepada penerapan akan prinsip-prinsip-Nya serta menyebarkan kebenaran bagi kemuliaan-Nya. Berdoalah agar perancangan, tujuan dan maksud Tuhan dilaksanakan di dalam negeri ini.



Kedah

Agar orang Kristian bertekad untuk mendoakan orang yang terlibat dalam politik dan pemerintahan. Agar Gereja menjangkau orang miskin dan yang berkekurangan, terutamanya golongan miskin yang parah. Agar ada arah, kepemimpinan yang baik dan gabungan usaha gereja-gereja dalam perancangan akan datang untuk menjangkau pekan-pekan.



Penang

Agar penginjilan yang berkesan dilaksanakan untuk menjangkau kaum Cina, Bangladesh, Indonesia, Kemboja, Thai dan pekerja asing yang lain. Agar Gereja menjangkau orang ramai yang tinggal di rumah-rumah pangsa dan kondominium.



RENUNGAN



Hari 8: 29 Julai *Peribadi*

Abba Bapa

Roma 8:14-17

Doa yang diucapkan Tuhan dimulakan dengan 'BAPA KAMI,' dan menunjukkan kepentingan perhubungan secara peribadi dan bersifat pengasih. Perhubungan kita dengan Tuhan mesti didasarkan serta berakar dalam KASIH Bapa.

Keadaan hidup mungkin menyenangkan atau menyakitkan tetapi konsep yang betul terhadap kebapaan Tuhan akan membawa kita bertenang dalam tangan-Nya yang penuh kasih, meskipun ia tidak kelihatan. Kita tidak perlu takut atau berusaha keras seperti orang lain kerana kasih yang sempurna daripada Bapa boleh melenyapkan ketakutan. Masa depan kita pasti selamat di dalam Dia.

b e r d o a l a h :

- *Isytiharkan Tuhan sebagai Abba Bapa dan ambillah masa untuk membiarkan Tuhan menyatakan hakikat ini kepada kita.*
- *Agar perjalanan anda dengan Tuhan akan diubah apabila anda mula berhubung secara dekat dengan Tuhan sebagai Abba.*
- *Untuk pengertian dan wahyu baru mengenai ertinya menjadi anak Tuhan. (Galatia 4.1-7).*
- *Agar kasih, pengampunan dan penyembuhan berlaku kepada bapa-bapa dan anak-anak yang mengalami masalah dalam perhubungan mereka.*

t i n d a k a n :

- *Senaraikan ketakutan dalam hidup anda. Di atas setiap ketakutan ini, tulislah 'Allah mengasihi saya.' Biarlah kasih Allah yang sempurna itu melenyapkan setiap ketakutan.*

n o t a :



RUMAH DOA BAGI BANGSA-BANGSA:

Korea Utara

Korea Utara telah menjadi tapak gereja yang paling teraniaya dan bencana manusia yang paling berdiam diri di dunia – kebuluran yang sudah meragut lebih dua juta nyawa. Gabungan kedua-dua bencana itu telah membuat kumpulan penginjil Korea Utara yang semakin kuat ditubuhkan. Mungkin sekali mereka tidak pernah dapat mengenal Kristus sekiranya mereka tetap tinggal di tanah air sendiri. Berdoalah agar mereka menjadi alat Tuhan untuk membina semula Gereja di Korea Utara.



**Hari 9: 30 Julai Keluarga /
Rumahtangga**

Yahweh Syamah (Tuhan di sana)

Yehezkiel 48:35; Yesaya 12:6



RUMAH DOA BAGI BANGSA-BANGSA:

Sri Lanka

Gereja Methodist Minneriya di daerah Polonnaruwa merupakan gereja yang bertumbuh dan teguh di bawah pimpinan Brother Oscar Fernando. Gereja ini sudah menghadapi berbagai-bagai ancaman dan perlakuan yang tidak adil daripada jiran-jirannya. Para anggota gereja ini memohon bantuan doa bagi diri mereka sendiri dan untuk Brother Oscar, khususnya bagi keselamatan mereka dan agar tetap menjadi saksi-saksi Yesus yang setia, meskipun ada banyak ancaman.

Ciri yang paling mengagumkan di kota Yerusalem baru adalah kehadiran Tuhan. Allah kembali untuk tinggal bersama dengan umat-Nya. Hakikat ini sangat mengesankan Yehezkiel sehingga dia menulis bahawa kota itu akan diberi nama baru: **TUHAN DI SANA**.

Rumah-rumah orang Kristian merupakan pernyataan abadi akan Yahweh Syamah. Inilah kesaksian yang sangat berkuasa yang mengingatkan semua orang mengenai terang dan kasih yang dalam, yang berasal daripada kehadiran Tuhan.

b e r d o a l a h :

- *Isytiharkan Tuhan sebagai Yahweh Syamah. Jadikanlah rumah anda sebagai rumah Tuhan yang hidup.*
- *Bagi anak-anak yang tiada bapa, balu dan ibu atau bapa tunggal.*
- *Bagi orang miskin dan yang berkekurangan, serta yang tiada tempat tinggal.*

t i n d a k a n :

- *Sinarkan cahaya dan kasih Yahweh Syamah dengan mendoakan jiran-jiran anda.*

n o t a :



Hari 10: 31 Julai Gereja

Akulah AKU

Keluaran 3:11-15



RUMAH DOBAGI BANGSA-BANGSA:

Laos

Orang Kristian telah dipaksa untuk membuang iman mereka dengan mengadakan upacara-upacara kafir seperti mengorbankan binatang, meminum darah dan bercakap dengan roh-roh. Kempen ini berleluasa dan berterusan. Orang Kristian yang tidak ikut serta boleh diusir keluar dari rumah mereka, dipindahkan ke kawasan lain atau dipenjarakan. Berdoalah agar ada perubahan yang berlaku di dalam hati pemerintah untuk menerima kewujudan gereja.

Tuhan mengingatkan Musa mengenai perjanjian-Nya dengan Abraham, Isyak dan Yakub. Dia menggunakan nama Akulah AKU untuk menunjukkan sifat-Nya yang tidak berubah. Tuhan ini juga adalah Tuhan kita. Tuhan yang telah memilih Musa, juga memilih Yosua, Paulus, Timotius dan kita! Jemaah bertahan selama berabad-abad, hanya kerana kita mempunyai Tuhan yang tidak berubah dan hamba-hamba-Nya yang setia melatih orang lain.

Kita, Jemaah, mempunyai komitmen dan tanggungjawab untuk mengisytiharkan Akulah AKU kepada generasi selanjutnya, yang juga akan mengajar orang lain (2 Timotius 2.2).

b e r d o a l a h :

- Agar Jemaah akan menyambut Tuhan sebagai Akulah AKU dan melatih jemaah kita bagi generasi ini dan generasi akan datang.
- Agar kita mengenal dan menerima bapa-bapa rohani yang diutus oleh Tuhan kepada kita.

t i n d a k a n :

- Telefonlah dan ucapkan terima kasih kepada seseorang (seorang bapa/ibu rohani) yang telah menjadi pendorong rohani kepada anda.

n o t a :



Hari 11: 1 Ogos Tempat Kerja / Media

Yahweh Jireh ***(Tuhan akan Membekalkan)***

Kejadian 22:1–14

Seseorang pernah berkata, “Apabila Tuhan membimbing, Dia membekalkan, apabila Dia memimpin, Dia memberikan makanan.” – Inilah yang menghiburkan serta menguatkan hati kita.

Sebilangan kita mungkin takut kehilangan wang, kedudukan, dan status. Kemungkinan ada beberapa orang yang ragu-ragu membiarkan anak-anak mereka masuk ke dalam pelayanan penuh masa. Abraham yakin bahawa Tuhan akan memberikan kecukupan dan dia tidak menahan anak lelakinya, Ishak, untuk menjadi korban bagi Tuhan.

Adakah anda menahan kasih anda, anak-anak anda, masa anda atau bahkan pelaburan anda, apabila Tuhan memintanya? Sama seperti Abraham, kita perlu mengerti kebenaran ini. Tuhan tidak akan memansuhkan janji berkat-Nya dan Dia akan mencukupi kita apabila kita taat memberi Dia segala yang ada pada kita.

b e r d o a l a h :

- *Isytiharkan Tuhan sebagai Yahweh Jireh. Bertaubatlah kerana kekurangan iman anda kepada Tuhan untuk mencukupi dan memimpin anda.*
- *Serahkan bisnes atau kerja anda kepada Tuhan dan berjalanlah dalam penyerahan penuh kepada-Nya.*
- *Bagi peluang-peluang ilahi di tempat kerja anda untuk memberikan kesaksian mengenai bekalan Tuhan dalam hidup anda.*

t i n d a k a n :

- *Aturlah masa bagi pemimpin Kristian atau pastor anda untuk datang ke pejabat/rumah anda untuk memberkati syarikat/rumah.*

n o t a :



RUMAH DOA BAGI BANGSA-BANGSA:

Myanmar

Ribuan pelarian Karen, yang kebanyakannya Kristian, meninggalkan Myanmar untuk melarikan diri dari perang saudara yang masih berterusan. Di dalam suratnya dari kem pelarian di Mae La, di utara Thailand, Dr. Simon memohon masyarakat antarabangsa untuk ingat akan keadaan kaum Karen. “Kami sangat memerlukan sokongan moral, rohani, fizikal dan kebendaan daripada saudara-saudari di seluruh dunia. Kami harap anda semua dapat terus memberikan bantuan dan mencari jalan serta cara yang boleh untuk memberikan pertolongan.”



**Hari 12: 2 Ogos Pendidikan / Pemuda-
Pemudi / Kanak-Kanak**

Yahweh Nissi **(Tuhan Panji Kita)**

Keluaran 17:14-15



RUMAH DOA BANGSA-BANGSA:

Vietnam

“Adakah orang komunis mempunyai hati nurani? Orang Kristian Montagnard—apakah jenayah mereka sehingga disengsarakan sedemikian? Satu-satunya jenayah mereka adalah percaya kepada Tuhan dan bertemu dengan orang lain untuk menyembah Dia. Mengapakah di Vietnam, orang harus merayu kepada pemerintah untuk melakukan hal yang patut dan mulia?” Itulah yang ditulis oleh seorang Kristian yang dianiaya. Berdoalah agar Tuhan mengumiai mereka rahmat untuk mengampuni penganiaya dan memperoleh penyembuhan emosi dan jasmani.

Baru-baru ini dilaporkan bahawa lebih 60% mangsa rogol (beberapa orang yang dibunuh) berumur di bawah 16 tahun. Lagipun, bilangan mangsa yang muda ini sudah meningkat daripada 1210 pada tahun 2000 kepada 1354 pada tahun 2001 dan kepada 1418 pada 2002. Dalam lima bulan pertama tahun 2003 sahaja, 367 kes rogol yang dilaporkan melibatkan anak-anak. Jalan-jalan, kawasan perumahan, dan sekolah kita tidak lagi selamat.

‘Jika bukan TUHAN yang melindungi kota, sia-sialah usaha orang yang mengawalinya’ (Mazmur 127.1). Pengawal bangsa kita, iaitu polis, akan berjuang dalam peperangan yang sudah kalah jika orang Kristian tidak mengambil peranan dan tidak memandang kepada Yahweh Nissi untuk datang menentang jenayah yang semakin meningkat.

b e r d o a l a h :

- *Isytiharkan Tuhan sebagai Yahweh Nissi, ‘panji’ di atas anak-anak, kota-kota, pekan-pekan dan negara kita.*
- *Menentang semua perbuatan yang tidak berperi kemanusiaan dalam hal perilaku sumbang, rogol dan pembunuhan.*
- *Agar ada pertaubatan yang sungguh dalam hati orang yang sabit kesalahan.*

t i n d a k a n :

- *Tulislah sepucuk surat dorongan kepada Inspektor-Jeneral Polis, para Pegawai Polis daerah anda, dsb.nya, dan agar orang Kristian terus mendoakan mereka.*

n o t a :



Hari 13: 3 Ogos Kerajaan / Penguasa

Yahweh Sidkenu **(Tuhan Kebenaran Kita)**

Yeremia 33:15-16

Alkitab berkata, “Keadilan meninggikan martabat bangsa” (Amsal 14.34). Sementara Perdana Menteri kita memulakan tugas besar untuk menghapuskan rasuah dalam kerajaan, dia memulakan misi yang salih, yang akan memimpin bangsa ke arah standard moral dan etika yang lebih tinggi.

Setiap orang mungkin menganggap dirinya benar menurut pandangannya sendiri, tetapi Alkitab berkata bahawa tiada seorang pun yang benar di dalam dunia ini (Roma 3.10) kecuali Tuhan Sidkenu. Dalam keadaan kita yang tidak benar, marilah berseru kepada Tuhan, satu-satunya yang boleh membuat kita benar dalam pandangan-Nya kerana karya Yesus yang sudah selesai di kayu salib.

b e r d o a l a h :

- Isytiharkan Tuhan sebagai Yahweh Sidkenu. Bertaubatlah daripada sikap kita yang membenarkan diri sendiri dan akuilah Yesus sebagai satu-satunya yang menjadikan kita benar (2 Korintus 5.21).
- Agar Tuhan mendedahkan serta menyingkirkan pemimpin yang tidak jujur dalam kerajaan dan masyarakat kita.
- Agar kehakiman lebih cekap dan berkesan, dan para hakim bertindak adil dan bertanggungjawab.
- Agar standard Tuhan yang adil nyata dalam kerajaan.

t i n d a k a n :

- Layarilah www.necf.org.my (Untuk Doa Syafaat Anda) bagi mendapatkan permohonan doa yang khusus “Perangi Rasuah.” Kongsikan dengan teman-teman, rakan sekerja, rakan sekutu agar mereka sedar akan doa orang Kristian bagi pendedahan rasuah.

n o t a :



RUMAH DOA BAGI BANGSA:

Filipin

Semasa Martin dan Gracia Bumham ditahan selama 376 hari, orang Kristian di seluruh dunia mendoakan mereka.

Martin terbunuh dalam cubaan menyelamatkan mereka. Bagaimanapun, “Kami merasa seolah-olah doa kami sudah dijawab,” kata Paul, ayah Martin. Oleh itu, teruslah berdoa bagi orang yang ditangkap sebagai tebusan oleh kumpulan Abu Sayyaf.



Hari 14: 4 Ogos Bangsa-bangsa / Suku Kaum

Yahweh Syalom **(Tuhan Kedamaian Kita)**

Hakim-hakim 6:23–24

Bagi ramai orang, “kedamaian” bererti tiada perang, tiada keganasan, tiada pertelingkahan, dan tiada penderitaan. Kita menganggap persekitaran kita aman jika keselamatan kita sendiri tidak terancam. Inilah kedamaian yang didambakan oleh dunia.

Kedamaian yang sejati datangnya daripada Yahweh Syalom, “Tuhan Kedamaian Kita.” Tuhan, Bapa kita mengutus Anak-Nya yang tunggal, Yesus Kristus, sebagai korban perdamaian untuk mendamaikan dunia dengan diri-Nya sendiri. “Kesejahteraan Aku tinggalkan dengan kamu; kesejahteraan-Ku sendiri yang Aku beri kepada kamu. Kesejahteraan yang Aku beri kepada kamu bukan seperti yang diberi oleh dunia. . .” kata Yesus (Yohanes 14.27). Kedamaian yang sejati itulah yang bertahan meskipun di tengah-tengah masalah.

b e r d o a l a h :

- *Isytiharkan Tuhan sebagai Yahweh Syalom. Dunia tidak akan mengenal kedamaian sejati kecuali kita memperkenalkan Yahweh Syalom.*
- *Agar tembok permusuhan, prasangka dan kebencian di antara suku-suku bangsa diruntuhkan.*
- *Agar ada kedamaian dan keselamatan bagi Yerusalem (Mzm. 122.6) dan Timur Tengah.*

t i n d a k a n :

- *Bacalah “Anak Perdamaian” oleh Don Richardson dan kajiilah bagaimana dia menjangkau satu masyarakat yang ganas.*

n o t a :



RUMAH DOA BAGI BANGSA-BANGSA:



Perak

Para pelajar Kristian di sekolah-sekolah perlu dikuatkan dalam iman mereka. Bagi para pemimpin pemuda-pemudi agar melayani Tuhan dengan penuh semangat, ketabahan dan kemurnian. Kesatuan di kalangan pastor/pekerja gereja semakin meningkat untuk berjalan bersama-sama serta bekerjasama untuk mengubah masyarakat. Berdoalah bagi strategi untuk membina perhubungan dengan orang dalam masyarakat dan untuk mengumpulkan tuaian serta penuai yang cukup untuk melatih mereka.



Negeri Sembilan

Agar pembangunan ekonomi meningkat dalam industri pertanian dan penternakan di dalam negeri agar orang Kristian boleh tinggal dan bekerja di sana, sambil membantu dalam penjangkauan melalui pelayanan gereja. Bagi gereja-gereja untuk memulakan banyak kebaktian dalam bahasa-bahasa tempatan kerana tuaian sudah masak. Agar pelayanan yang sedia ada semakin kuat dan bersemangat. Oleh sebab perpindahan ke bandar, ada kekurangan kepimpinan di gereja-gereja kita. Agar Tuhan membangkitkan lebih ramai pemimpin.



Melaka

Agar pihak berkuasa negeri mempunyai hikmat untuk mengembangkan sumber-sumber alamnya dan untuk mempunyai pembangunan ekonomi yang meningkat. Bagi kesatuan yang semakin bertumbuh di kalangan gereja-gereja. Agar ada kebangunan rohani di dalam hati dan minda orang sehingga mereka datang kepada Tuhan. Bagi penuaian jiwa yang besar di pekan-pekan yang lebih kecil dan di kampung-kampung, yang akan dimuridkan.



RENUNGAN



Hari 15: 5 Ogos Peribadi

Ikutlah Aku

Matius 16:24–28

Mengikut Kristus mungkin menimbulkan masalah antara kita dengan teman-teman dan keluarga. Menjadi pengikut-Nya boleh menjadi mahal harganya. Bagaimanapun, menolak Dia sekarang akan memusnahkan masa depan kita.

Kita mempunyai pilihan. Kita boleh memulakan tekad kita untuk menyusun semula keutamaan sasaran, cita-cita dan rancangan kita bagi masa depan, dan untuk mengikut gaya hidup pelayanan yang salih – untuk merangkumi sudut pandangan dan tujuan Pemerintahan Tuhan.


b e r d o a l a h :

- *Agar kita benar-benar mengerti hati dan misi Tuhan apabila mengikut gaya hidup Kristus. Mohonlah kepada-Nya untuk membebaskan anda daripada belunggu yang mengikat anda kepada komitmen serta cita-cita anda, sasaran yang mementingkan diri, dan hidup yang berkompromi dan tidak berhati-hati.*

t i n d a k a n :

- *Apakah keutamaan anda dalam hidup?*
- *Dapatkan satu atau dua rakan yang anda boleh berikan pertanggungjawapan, jika anda belum melakukannya.*

n o t a :



RUMAH DOA BAGI BANGSA-BANGSA

Indonesia

Serangan ganas yang bertubi-tubi di Poso, Sulawesi Tengah, telah membuat orang Kristian pada umumnya, berasa ketakutan. Mereka tidak lagi melihat bahawa keadaan itu akan pulih. Ketakutan mereka yang paling besar adalah satu hari nanti, apabila tidak terkawal lagi, akan ada satu ledakan kemarahan, sehingga pembalasan dibuat terhadap sesiapa pun orang Islam.

Berdoalah agar Tuhan akan menghalang anak-anak-Nya daripada membalas dendam.



Hari 16: 6 Ogos Keluarga / Rumahtangga

Aturan Ilahi

Efesus 5:22–6:4

Tajuk-tajuk surat khabar setiap hari menonjolkan kes-kes baru jenayah yang mengerikan, kes rogol oleh psikopatik, dan kekejaman yang semakin meningkat. Penghormatan semakin menurun terhadap hidup, kebebasan bergerak tanpa takut, dan hak untuk hidup aman damai tanpa gangguan. Geografi sosial dan politik hari ini merupakan pantulan yang menyedihkan terhadap ketidaktaatan dan pelanggaran undang-undang serta peraturan.

TETAPI masih ada harapan. Menghormati dan menghargai nilai hidup, membina penghormatan yang sihat terhadap sesama, bermula dari rumah. Keluarga Kristian mempunyai misi untuk memberikan arah bagi masa depan, agar ada undang-undang dan peraturan ilahi dalam setiap segi masyarakat.

b e r d o a l a h :

- *Sebagai anak-anak, kita boleh belajar untuk menghormati ibu-bapa kita tanpa syarat (Ef. 6.1–3).*
- *Sebagai bapa dan suami, kita menegakkan kepimpinan dalam keluarga dengan mengikut contoh Kristus yang mengasihi Jemaah, agar doa kita tidak terhalang (1 Petrus 3.7). Berdoalah menentang penyalahgunaan kuasa, kekuasaan yang disalahguna dan keterlaluan (Ef. 6.4).*
- *Sebagai isteri, kita tunduk kepada suami seperti dia tunduk kepada Kristus yang adalah Kepala Mutlak. Marilah kita mengikut aturan ilahi Tuhan, sementara kita memandang kepada masa depan dengan pengharapan dan keyakinan yang berkobar-kobar (Ef. 5.22–24).*

t i n d a k a n :

- *Berilah teladan hidup untuk mengikut 'Aturan Ilahi.' Adakah anda menghormati dan menghargai penyerahan anda kepada Tuhan dengan menghormati dan menghargai orang di bawah tanggungjawab anda semasa mereka dengan diam-diam tunduk kepada anda? Berjaga-jagalah terhadap pencubaan untuk menguasai dan memperalat orang lain. Milikilah jiwa hamba.*



RUMAH DOA BAGI BANGSA-BANGSA:

Kemboja

Pastor Bamabas Mam, ahli lembaga Persekutuan Injili Kemboja, berkata bahawa orang Kristian daripada denominasi gereja yang berlainan bersatu untuk berdoa bagi masa depan Kemboja. Mereka ingin sekali agar pemulihan dan perdamaian berlaku di negara yang masih dikuasai oleh ketakutan; mereka tidak mahu berlaku perpecahan atau konflik agama di sana.



Hari 17: 7 Ogos Gereja

Pelbagai Hikmat

Efesus 3:10-21



RUMAH DOA BAGI BANGSA-BANGSA:

Israel

Hampir semua jemaah yang percaya kepada Mesias di Israel, yang anggarannya bilangannya adalah beberapa ratus, mendapat penambahan anggota, dan ramai di kalangan mereka adalah orang yang baru percaya. Ada di kalangan mereka yang sudah memulakan penjangkauan penginjilan. Berdoalah bagi keberhasilan penjangkauan ini agar seluruh bangsa Israel akan menyambut Yesus sebagai Raja dan Mesias mereka.

Kemerdekaan Malaysia selama 47 tahun membanggakan kejayaan yang besar dalam ekonomi, kesihatan dan pendidikan. Di bawah permukaan, ada kemerosotan kehidupan manusia, misalnya, pembunuhan dan perbuatan merogol anak-anak kecil.

Dengan tekad kerajaan untuk menangani penyakit-penyakit sosial, Gereja boleh memainkan peranan yang berpengaruh dalam pembangunan negara. Bangsa ini memerlukan wawasan yang lebih besar daripada dirinya untuk beroperasi dengan lebih berkesan. Panggilan bagi Gereja pada hari ini adalah untuk melatih seluruh bangsa. Kunci untuk membuka kubu pertahanan bangsa terletak pada Gereja (Matius 16.19), yang telah ditetapkan oleh Tuhan untuk memperkenalkan berbagai segi hikmat-Nya kepada pemerintah dan penguasa.

b e r d o a l a h :

- *Agar Gereja akan bangkit dan melihat serta giat terlibat dalam maksud dan perancangan kekal Tuhan bagi pemulihan sosial dan politik bangsa.*

t i n d a k a n :

- *Dalam kelompok kecil anda, bincanglah bagaimana anda semua dapat terlibat dalam pembangunan negara.*

n o t a :



Hari 18: 8 Ogos Tempat Kerja / Media

Hal-hal Fana Digoncang

Ibrani 12:25–29

Kekayaan menarik dan memerangkap, kesukaan keduniaan menjerat seperti cinta akan Mesir menjerat orang Israel dalam jala keselesaan dan kesenangan (Bil. 11.18–20). Demikianlah keadaan di tempat kerja, yang dikuasai oleh keinginan hal-hal fana yang goyah dan yang tidak pernah memberikan kepuasan.

Sama seperti orang Israel yang menjadi sangat tidak puas hati bahkan ketika mereka diberi makanan dan dipelihara oleh Tuhan sendiri sementara Dia menyediakan mereka untuk memasuki Tanah Perjanjian, orang Kristian mungkin juga akan binasa dalam ‘gurun’ pengejaran akan hal-hal yang fana.

b e r d o a l a h :

- Bagi orang percaya dalam media dan tempat kerja agar menjadi orang yang mengenal fikiran Kristus dalam setiap langkah pengambilan keputusan.
- Agar Rumah Doa didirikan di tempat kerja untuk memberikan kesan kepada rakan-rakan kerja yang mempunyai keperluan.

t i n d a k a n :

- Mulakan kelompok doa di tempat kerja anda.

n o t a :



RUMAH DOA BAGI BANGSA-BANGSA:

Palestin

“Kanak-kanak adalah golongan orang yang menderita trauma akibat tembak-menembak dan pengeboman,” kata Dr. Bishara Awad dari Kolej Alkitab Betlehem. “Kami mempunyai ramai kes anak-anak yang terkencing semasa tidur; anak-anak yang tiba-tiba rambut putih sudah bertumbuh di sebelah kepala mereka, dan anak-anak yang berlari kepada ibu atau bapa mereka apabila pintu ditutup dengan kuat.”



**Hari 19: 9 Ogos Pendidikan / Pemuda-
Pemudi / Kanak-Kanak**

Yang Terkecil Akan Menjadi Yang Terbesar

Matius 18:1-10



RUMAH DOA BAGI BANGSA-BANGSA:

Iran

Sejak pembunuhan Hussein Soodmand pada 1990, yang menukar agamanya dan menjadi pastor, para pemimpin Kristian Protestan injili telah satu persatu meninggal dalam keadaan misteri. Ramai orang Kristian yang dahulunya dari agama lain telah meninggalkan negara ini kerana takut akan keselamatan nyawa mereka. Berdoalah agar benih Injil akan berakar dan bertumbuh meskipun dalam keadaan yang begitu sukar.

Menyebabkan anak kecil berbuat dosa terhadap Tuhan adalah kesalahan yang berat. Adakah maksud Tuhan itu tidak mahu kita membinasakan benih tujuan-Nya di dunia?

Anak-anak adalah warisan daripada Tuhan.

Berbahagialah orang yang mempunyai banyak anak panah seperti itu. Anak-anak yang dilatih dengan baik serta yang berbudi merupakan pembela yang paling baik semasa di dunia dan juga penghiburan pada masa tua (Mazmur 127). Ibu bapa dipanggil untuk mencari Tuhan mengenai maksud-Nya bagi setiap anak yang diletakkan dalam penjagaan dan tanggungjawab mereka.

Maksud ilahi dan restu Tuhan bekerja melalui anak-anak.

b e r d o a l a h :

- Bagi pengertian akan jalan Tuhan dalam pengasuhan anak di rumah dan di gereja.
- Bagi pertaubatan untuk anak-anak kita yang tersandung; penyembuhan dan pemulihan perhubungan antara ibu bapa dan anak-anak.
- Agar setiap anak di Malaysia mempunyai peluang untuk mengenal Yesus dan menyambut kasih-Nya.

t i n d a k a n :

- Jika anda belum pernah berdoa bersama dengan seorang anak, lakukanlah hal itu pada minggu ini dengan anak anda di rumah, di gereja atau jiran.

n o t a :



Hari 20: 10 Ogos Kerajaan / Penguasa

Pemerintahan Mutlak

Mazmur 33.12; Yesaya 60.21–22

“Diberkatilah bangsa yang Allahnya ialah TUHAN.”

Wawasan 2020 adalah rancangan kerajaan bagi Malaysia, tetapi marilah berdoa agar tujuan Tuhan itulah yang akhirnya menjadi kenyataan.

Malaysia telah dilahirkan untuk tujuan penebusan apabila Tuhan membawa orang Melayu, Cina, India dan bangsa-bangsa lain hidup bersama-sama. Marilah berdoa agar janji-janji Firman Tuhan berikut akan juga ditepati dalam bangsa kita: “Pendudukmu akan melakukan hal yang benar, dan akan memiliki negeri ini selama-lamanya. Mereka seperti tumbuhan yang Aku tanam, hasil ciptaan-Ku, untuk menyatakan kebenaran-Ku. Bahkan keluargamu yang terkecil dan terhina akan menjadi bangsa yang kuat. Pada masa yang tepat kelak, Aku, TUHAN, akan melakukannya dengan segera.” (Yesaya 60.21–22).

b e r d o a l a h :

- Agar tujuan penebusan daripada Tuhan akan dinyatakan dengan sepenuhnya dan dihabarkan di seluruh Malaysia.

t i n d a k a n :

- Hargailah suasana yang berbilang bahasa, berbilang bangsa, berbilang budaya yang kita ada di Malaysia. Ambillah masa sejenak untuk membiarkan hakikat ini masuk ke dalam roh anda dan membuat anda bersyukur.

n o t a :



RUMAH DOA BAGI BANGSA-BANGSA:

Iraq

Orang mulai datang kepada Tuhan dengan cara yang amat mengagumkan. “Saya bermimpi. Pak cik saya yang sudah meninggal datang kepada saya dan memimpin tangan saya untuk bertemu dengan Yesus,” kata seorang yang sudah percaya. Seorang yang lain diberitahu dalam mimpi untuk dibaptis tidak lama selepas dia menjadi Kristian. Berdoalah agar lebih banyak mukjizat seperti itu akan berlaku yang memimpin orang kepada Tuhan.



Hari 21: 11 Ogos Bangsa / Suku Kaum

Bangsa-bangsa Akan Datang

Yesaya 60.1–7

Walaupun kita melihat kegelapan (pornografi, ilmu sihir, kejahatan, jenayah dan dosa-dosa lain) memenuhi bumi, Tuhan mendorong kita untuk bangkit dan bersinar. Sebabnya: Cahaya dan kemuliaan-Nya sudah datang. Tuhan sudah memberi kita janji-janji-Nya dan melengkapi kita dengan senjata-Nya untuk memusnahkan kubu-kubu musuh. Marilah lakukan peranan kita.

b e r d o a l a h :

- Bagi perubahan berlaku dalam bandar, masyarakat dan bangsa kerana masa sudah singkat. Agar kemuliaan Tuhan dinyatakan di bangsa-bangsa di dunia dan agar tiada seorang pun yang binasa melainkan semua datang kepada pengenalan akan Yesus Kristus untuk penyelamatan.

t i n d a k a n :

- Telefonlah seorang kawan dan doronglah dia dengan perintah dan janji Tuhan ini.

n o t a :



RUMAH DOA BAGI BANGSA-BANGSA:



Selangor

Berdoalah menentang kes-kes penculikan pelajar di Shah Alam dan Klang, dan mohonlah kebijaksanaan daripada Tuhan bagi pihak berkuasa semasa mereka melaksanakan beberapa langkah keselamatan untuk melindungi anak-anak kita. Bersyukurlah kepada Tuhan bagi yayasan-yayasan Kristian yang ditubuhkan untuk kebajikan masyarakat dan membantu orang yang kekurangan, sakit dan tua. Kebanyakan organisasi kebajikan memerlukan apa yang dapat diberikan oleh Gereja dengan mudah - sukarelawan yang prihatin, bantuan kewangan dan bahkan peralatan. Berdoalah agar Gereja akan menjadi 'rakan kongsi' agensi-agensi itu untuk menjangkau masyarakat bagi Yesus.



Wilayah Persekutuan

Berdoalah bagi hikmat dan nasihat daripada Tuhan untuk pentadbiran di Putrajaya. Agar Kementerian Pendidikan mempunyai komitmen terhadap pendidikan dan kebajikan golongan muda bangsa kita. Teruslah memohon pertolongan Tuhan untuk mengurniakan hikmat kepada Suruhanjaya Diraja untuk membuat operasi dan pengurusan Polis Diraja Malaysia lebih cekap semasa mereka mengkaji dan memberi rekomendasi dalam usaha meningkatkan kebolehpercayaan polis sebagai penjaga keamanan dan penagak undang-undang dalam abad ke-21.



RENUNGAN



Hari 22: 12 Ogos Peribadi

Jangan Khawatir

Matius 6.25–34

Keperluan kita di bumi menguasai kita. Kita tinggal dan turut terlibat dalam hal-hal jasmani sehingga kita khawatir apabila pakaian kita menjadi usang dan gelisah apabila pelaburan kita tidak mendatangkan untung. Bahkan ada beberapa di kalangan kita berasa khawatir apabila anak-anak kita tidak makan meskipun mereka sudah makan lebih pada sebelumnya. Kita membiarkan keadaan untuk mengganggu kita dan mempengaruhi kepercayaan kita kepada Tuhan sehingga sering kali kita tidak mengenali Dia apabila Dia datang kepada kita dalam ‘bisikan-bisikan yang lembut’.

b e r d o a l a h :

- *Akuilah kekurangan percaya dan iman anda kepada Tuhan. Bertaubatlah daripada kekhuatiran, kegelisahan dan alasan-alasan.*
- *Agar makanan harian kita akan menjadi sumber berkat kepada orang lain apabila kita menyerahkan setiap hari kepada-Nya.*
- *Agar kita bertumbuh dalam iman sementara kita melihat Dia membekalkan keperluan harian kita.*

t i n d a k a n :

- *Kunjungilah seseorang yang dalam keperluan dan jadilah sumber berkat kepadanya.*

n o t a :



RUMAH DOA BAGI BANGSA-BANGSA:

Yemen

Keluarga dan rakan sekerja Kristian tiga orang mubaligh Amerika yang dibunuh oleh militan Islam di Jibla Baptist Hospital di selatan Yemen telah mengirim kata kepada pembunuh bahawa mereka mengampuni dia atas perbuatannya. Berdoalah bagi Abed Abdul Razak Kamel, orang yang mengaku sebagai pembunuh itu, agar dia mengalami kepanasan ‘arang berapi’ dan bertaubat.



Hari 23: 13 Ogos Keluarga / Rumahtangga

Sisa Makanan pun Baik

Matius 15.21–28

Apabila kita tidak melihat apa-apa perubahan dalam kehidupan orang yang kita kasihi setelah mendoakan mereka, kita menjadi kecewa dan mungkin berhenti berdoa sama sekali.

Meskipun Yesus berkali-kali menolak permintaan perempuan Kanaan itu, dia tidak berhenti meminta. Dia tahu bahawa Yesus mempunyai peruntukan bagi orang Yahudi dalam hidup-Nya tetapi hal itu tidak pernah menghalang dia untuk terus-menerus memohon kepada-Nya. Lalu Yesus bersetuju dan berkata, ‘Kamu seorang wanita yang sungguh percaya kepada-Ku’ dan anak perempuannya disembuhkan.

b e r d o a l a h :

- Bertekadlah untuk sungguh-sungguh berdoa agar orang yang kita kasihi kembali kepada TUHAN. Pakailah contoh perempuan Kanaan itu sebagai ilham bagi keinginan kita untuk melihat mereka diselamatkan atau disembuhkan.
- Agar luka dan sakit hati yang lampau tidak menghalang kita daripada terus bertekun dalam doa dan memohon bagi bekalan-Nya untuk anggota keluarga kita.

t i n d a k a n :

- Apakah yang merangsang perempuan Kanaan itu untuk melampaui ejekan dan kritikan dan terus berpaut kepada Yesus? Fikirkan seseorang pada hari ini dan bincangkan apa yang Tuhan sudah letakkan di dalam hati anda.

n o t a :



RUMAH DOA BAGI BANGSA-BANGSA:

Siria

Pesta Buku Antarabangsa Tahunan memberikan peluang yang unik untuk mendapatkan buku-buku Kristian yang baru dalam bahasa Arab dan juga Alkitab. “Permintaan memuaskan,” kata seorang Kristian yang menjadi pengedar buku, “tetapi masih ada keperluan yang besar. Orang memang benar-benar lapar. Bukan lapar akan roti harian mereka, tetapi lapar dalam roh mereka.” Berdoalah agar mereka mendapatkan kepuasan dalam Firman Tuhan.



Hari 24: 14 Ogos Gereja

Peningkatan Harian

Kisah Rasul 2.42–47



RUMAH DOBAGI BANGSA-BANGSA:

Qatar

Dikenali sebagai salah satu negara Teluk yang berpendirian lebih sederhana, Qatar sudah meluaskan lagi kebebasan demokrasinya dalam beberapa tahun kebelakangan ini dengan membiarkan orang Kristian dari negara lain untuk bebas mengadakan perkumpulan sendiri untuk beribadah bersama. Berdoalah agar lebih banyak kebebasan dapat diberikan kepada Gereja.

Perpecahan menyebabkan pertelingkahan, prasangka, persaingan dan perasaan tidak selamat. Rasul Paulus mengingatkan kita bahawa kita adalah SATU tubuh. Kita memecahkan roti dan mengambil perjamuan kudus bersama-sama untuk menguatkan lagi persekutuan erat yang ada dengan saudara seiman yang lain.

Sementara kita bersama-sama mengambil bahagian dalam Perjamuan Tuhan, kita mengimbas semula zaman Gereja awal: meskipun tidak sempurna secara fizikal (tiada bangunan yang khas ataupun alat pembesar suara), mereka disempurnakan dalam kesatuan Roh Allah. Mereka mempunyai kehausan yang terus-menerus akan Tuhan dan BERSAMA-SAMA mereka mengumpulkan sumber mereka untuk mencukupi keperluan orang lain yang tidak mempunyai banyak atau yang tidak memiliki apa-apa. Dengan keramahan yang sungguh-sungguh dan persekutuan yang sejati, setiap orang diperhatikan. Dengan cara ini, Gereja melihat pertambahan setiap hari dalam bilangan orang yang bertaubat.

b e r d o a l a h :

- *Agar ada kerelaan untuk menyelesaikan konflik melalui perdamaian yang berdasarkan Alkitab.*
- *Agar para pemimpin Gereja dan organisasi Kristian akan lebih meningkatkan kerjasama dan perkongsian sumber.*

t i n d a k a n :

- *Bincanglah dengan para pemimpin anda caranya gereja dapat menolong orang yang kekurangan, orang warga tua atau Orang Asli.*

n o t a :



Hari 25: 15 Ogos Tempat Kerja / Media

Dari Perbualan kepada Pertaubatan

Kisah Rasul 16.13–15

Pengaruh dunia mencemari perbualan sehari-hari kita dengan tajuk percakapan mengenai harga paling tinggi dalam pasaran saham, gimik iklan dan hartanah yang paling laris. Orang Kristian juga cenderung memulakan perbualan yang menguntungkan kita dalam jangka masa pendek dan lupa akan keuntungan jangka masa panjang dalam hal memenangkan jiwa.

Rasul Paulus tidak membuang masa dalam perbualan yang kosong kerana dia tahu bahawa itulah pintu-pintu terbuka bagi kesan yang kekal. Marilah kita bijak dalam perbualan kita. Tuhan boleh menggunakan kita untuk mengubah perbualan menjadi pertaubatan.

b e r d o a l a h :

- *Mohonlah pengampunan daripada Tuhan kerana kita hanya membina hubungan dan jaringan kerjasama bagi keuntungan peribadi kita.*
- *Bertaubatlah daripada prasangka, ketakutan dan sikap menstereotaip suku bangsa dan bahasa ketika mengongsikan Injil.*
- *Agar kita merebut setiap peluang untuk mengongsikan Injil.*

t i n d a k a n :

- *Lihatlah di sekeliling anda hari ini dan perhatikan siapa yang anda dapat berkati dengan mengubah perbualan menjadi pertaubatan.*

n o t a :



RUMAH DOA BAGI BANGSA-BANGSA:

Libya

Berdoalah bagi penterjemahan dan pengedaran buku-buku, kaset audio dan video Kristian untuk menjangkau jutaan orang Libya dalam bahasa kebangsaan mereka, agar mereka menyambut Yesus menjadi Penyelamat peribadi dan Tuhan mereka.



Hari 26: 16 Ogos Pendidikan / Kanak-Kanak / Pemuda-Pemudi

Percakapan Dengan Anak-Anak

Ulangan 6.4-9



RUMAH DOBAGI BANGSA-BANGSA:

Mesir

Kekurangan pastoryang amat besar di kawasan luar bandar mengancam Gereja. Ramai orang meninggalkan kawasan luar bandar dan datang ke Kahira, untuk mencari pekerjaan. Orang yang masih tinggal kebanyakannya tidak berpendidikan. Berdoalah agar Tuhan akan menggunakan banyak pelayanan di Mesir untuk memperbaiki keadaan rohani dan sosial orang Kristian tempatan supaya gereja-Nya di luar bandar tidak akan lenyap samasekali.

Di rumah, di gereja atau bahkan di sekolah/kolej, mungkin kita lebih mahu membaca surat khabar atau menggunakan masa untuk diri sendiri daripada mengambil masa bersama dengan anak-anak. Kita merendah-rendahkan mereka semasa kita bercakap, namun kita mengharapkan mereka untuk mendengarkan kita. Dengan tidak mempedulikan mereka sekarang, tanpa sedar kita membina penghalang dan jurang pemisah generasi. Sewaktu mereka bertambah besar, kita tertanya-tanya sebabnya hubungan kita dengan mereka renggang.

Orang muda sering kali ingin melihat teladan yang dicontohi. Mereka akan menghormati kita apabila kita menghormati mereka. Sewaktu anda benar-benar memperhatikan mereka dengan mendengarkan mereka, anda akan terkejut dengan apa yang anda ketahui daripada 'percakapan' itu.

b e r d o a l a h :

- *Agar ada kasih terhadap anak-anak/pemuda-pemudi.*
- *Agar tembok pemisah di antara orang dewasa dan orang muda diruntuhkan, dan perbualan yang bermakna boleh berlaku di antara mereka.*
- *Agar anda menikmati saat-saat yang anda kongsi bersama dengan anak-anak / pemuda-pemudi.*

t i n d a k a n :

- *Bawalah keluarga anda keluar untuk makan malam dan bercakap-cakap tentang peristiwa-peristiwa hari itu.*

n o t a :



Hari 27: 17 Ogos Kerajaan / Penguasa

Rakyat Setia

Titus 3.1-2

Malaysia telah diberkati dengan seorang Perdana Menteri baru, Dato' Seri Abdullah Ahmad Badawi, yang setakat ini telah menunjukkan kesungguhan dalam meningkatkan standard moral bangsa. Tuhan sudah mengabulkan doa kita bagi peralihan pemerintahan yang lancar. Kita percaya bahawa Tuhan akan terus memerintah melalui penguasa yang dilantik-Nya sementara kita terus berdoa dan menghormati undang-undang negara.

Kita tidak boleh menganggap mudah keamanan dan kestabilan, melainkan terus berjaga dan berdoa dengan tekun bagi suasana rohani negara dan rakyat.

b e r d o a l a h :

- Bagi perlindungan untuk Yang Dipertuan Agong, Sultan, Perdana Menteri dan kabinet agar mereka mendapat rahmat serta kasih Tuhan.
- Agar kepercayaan dan iman dibina di antara Gereja dan kepimpinan kebangsaan.

t i n d a k a n :

- Di dalam persekutuan gereja anda, berdoa syafaatlah dengan tekun bagi Kerajaan dengan menggunakan pokok-pokok doa yang di atas.

n o t a :



RUMAH DOA BAGI BANGSA-BANGSA:

Saudi Arabia

Saudi Arabia dengan tegas melarang orang Kristian dan orang bukan Islam yang lain daripada berkumpul untuk beribadah bersama-sama. Tetapi beberapa orang yang terkemuka dalam kerabat diraja menegaskan bahawa orang bukan Islam yang tinggal dalam kerajaan itu bebas beribadah di dalam rumah mereka sendiri. Berdoalah agar mereka akan membenarkan apa yang dikatakan itu.



Hari 28: 18 Ogos Bangsa / Suku Bangsa

Lima Roti dan Dua Ikan

Matius 14.15–21

Kekhuatiran terhadap nafkah hidup kita sendiri membayangi belas kasihan kita terhadap orang lain. Beberapa di kalangan kita diberkati dengan berkelimpahan, tetapi kadang-kadang kelimpahan ini membawa kita kepada kepentingan diri sendiri dan berpusat pada diri sendiri sehingga lupa pada orang yang berkekurangan.

Yesus sentiasa ingat akan orang miskin. Dia memberi makan kepada orang ramai dengan sedikit yang telah diberikan kepada-Nya. Setiap orang dikenyangkan dan masih ada 12 bakul penuh sisa yang terkumpul. Jika kita tidak mengongsikan apa yang telah diberikan-Nya kepada kita dengan orang yang berkekurangan, kita tidak akan pernah sampai ke tempat yang dapat melepaskan mukjizat. Hati kita seharusnya dikuatkan kerana dengan apa yang kita ada – walaupun tidak banyak – dapat digunakan oleh Tuhan untuk memberkati ramai orang.

b e r d o a l a h :

- *Bertaubatlh daripada sikap acuh tak acuh, mementingkan diri sendiri, kelembapan rohani, tidak berperasaan, memboros, dan kedekut.*
- *Agar orang percaya diupayakan semasa mereka mengongsikan Injil ke hujung dunia.*

t i n d a k a n :

- *Mohonlah hikmat daripada Tuhan untuk membantu jiran anda yang 'berkekurangan' dalam cara yang praktikal.*

n o t a :



RUMAH DOA BAGI MALAYSIA



Johor

Bagi keharmonian di antara kaum, pembangunan ekonomi yang lebih pesat dan peluang pekerjaan di dalam negeri ini. Bagi gereja-gereja di bandar untuk menjangkau kampung-kampung dan pulau-pulau, serta mengutus pekerja-pekerja ke tempat-tempat di pedalaman, pekan-pekan kecil dan ladang-ladang. Bagi kebangunan rohani di kalangan orang Kristian supaya menjadi garam dan terang bagi Tuhan di tempat kerja.



Pahang

Berdoalah agar lebih banyak gereja ditubuh, terutamanya di kalangan masyarakat Orang Asli. Agar lebih ramai pekerja diutus ke ladang tuaian ini. Berdoalah bagi mereka yang sedang dilatih dan para jurulatih dalam Khidmat Negara di bawah skim perdana kebangsaan untuk integrasi kaum muda. Agar Tuhan memulihkan tanah daripada setiap pencemaran kerana penumpahan darah, penyembahan berhala dan segala bentuk penyembahan kepada tuhan-tuhan palsu.



RENUNGAN



Hari 29: 19 Ogos Peribadi

Ukuran Tuhan

Lukas 6.37–42

Apabila seseorang dipenjarakan kerana sesuatu yang tidak adil, tentu sekali dia mempunyai segala alasan untuk menjadi marah. Sebelum dia memilih untuk mengampuni orang yang berlaku tidak adil terhadapnya, dia akan tetap dalam “belunggu.” Orang percaya yang mempunyai konflik dan tidak dapat mengampuni satu sama lain tidak dapat berdamai dengan Tuhan.

Pada hari ini, jika anda mendapati diri anda menyimpan dendam dan berusaha untuk membalas dendam, mengapa tidak mencari jalan yang lebih mulia – jalan Tuhan, iaitu ‘mengampuni’? Pengampunan melepaskan kuasa penembusan dan berkat yang tidak dapat diukur.

b e r d o a l a h :

- Agar ada kemampuan untuk mengampuni dan mengakui kesalahan kita kepada satu sama lain supaya ada pemulihan yang berlaku.
- Menentang kesombongan, ketakutan dan keaiban.
- Mohon kepada Tuhan untuk menjadikan anda pembawa damai.

t i n d a k a n :

- Panggillah seseorang yang anda kenal, yang dahulunya anda bersalah kepadanya, dan selesaikanlah konflik itu tanpa tuduh-menuduh, menghakimi, mengkritik atau meletakkan syarat-syarat. Elakkan pergaduhan yang sudah menjadi sejarah, dan biarlah belas kasihan menjadi sasaran anda.

n o t a :



RUMAH DOBAGI BANGSA-BANGSA:

Sudan

Perang saudara yang sengit di antara kaum Islam di utara dan kaum Kristian di selatan negara ini telah mengorbankan kira-kira dua juta orang dan memaksakan empat juta orang untuk berpindah selama 20 tahun yang lalu. Konflik ini berkisar pada isu-isu kebebasan beragama, minyak, ideologi dan hak kaum di selatan untuk memerintah sendiri. Berdoalah agar para pemimpin di kedua-dua pihak dapat melihat bahawa penderitaan selama 20 tahun itu sudah cukup berat dan sudah sampai masanya untuk berhenti berperang.



**Hari 30: 20 Ogos Keluarga /
Rumahtangga**

Tujuh Puluh Kali Tujuh

Matius 18.21–35

Kita sering melukakan hati dan menyedihkan orang yang biasa dan paling rapat dengan kita. Kita menganggap mudah kehadiran mereka dan sering kali meninggalkan rumah kita dengan konflik besar yang belum diselesaikan. Kita mengelakkan konfrontasi.

Seperti Yunus, kita cenderung berfikir bahawa ‘Niniwe’ kita yang kejam dan ganas tidak boleh ditebus lagi. Oleh itu, mereka layak ditimpa oleh kemurkaan dan kemusnahan daripada Tuhan. Akhirnya, apabila Yunus mentaati Tuhan dan mengkhabarkan Firman Tuhan mengenai hukuman atas Niniwe, kota yang jahat itu bertaubat dan mendapat rahmat serta belas kasihan Tuhan. Apabila Tuhan yang suci masih terus mengampuni dengan belas kasihan dan rahmat yang tidak berkesudahan, mengapa kita menghalang Tuhan dengan penghakiman kita dan tidak membebaskan Dia untuk mengubah rumahtangga, keluarga dan orang yang kita kasihi dan bahkan diri kita sendiri oleh rahmat-Nya?

b e r d o a l a h :

- Bagi hikmat dan kasih untuk mempertahankan roh kesatuan dan perdamaian dalam keluarga kita.
- Agar tembok dan penghalang berbentuk perbuatan yang menakut-nakutkan, kesombongan dan sikap acuh tak acuh, diruntuhkan. Agar ada pemulihan perhubungan.

t i n d a k a n :

- Berhubunglah dengan seorang sanak saudara yang mempunyai dendam atau perselisihan faham dengan anda. Bertekadlah untuk menunjukkan belas kasihan dan kasih meskipun bukan anda yang bersalah.

n o t a :



RUMAH DOA BAGI BANGSA-BANGSA:

Kenya (Timur Laut)

Seorang pekerja Kristian menulis, “Keluarga-keluarga tidak hidup menurut kehendak Tuhan. Kadar perceraian, perilaku sumbang, hubungan jenis sebelum berkahwin, anak luar nikah dan perzinaan, sangat tinggi. Orang di wilayah ini dilemahkan, dihina dan dipijak oleh dosa. Mereka tidak punya maruah atau harga diri. Jauh di dalam lubuk hati, mereka merasa amat sedih. Mereka memerlukan Yesus Kristus. Jiwa mereka mendambakan Injil.” Berdoalah agar ada penembusan.



Hari 31: 21 Ogos Gereja

Jika Umat-Ku

2 Tawarikh 7.11–18



RUH ROABAGI BANGSA-BANGSA:

Nigeria (Utara)

Berdoalah bagi 10,000 orang yang tinggal di kem pelarian di bahagian tengah Nigeria akibat keganasan keagamaan yang melanda orang Kristian di negeri Bauchi pada Jun 2001. Mereka tidak mahu kembali kerana mereka tidak mahu dipaksa menukar agama mereka. Bilangan mereka semakin menurun setiap hari kerana penyakit, kelaparan dan kemiskinan.

Di dalam Mazmur 51, Daud mengungkapkan kesedarannya yang amat dalam terhadap kesalahan dan keperluan besar akan pengampunan dan pembasuhan daripada Tuhan. Semasa dia bersedih, dia datang kepada TUHAN dengan korban yang berupa ‘hati yang hancur dan bertaubat’ (ayat 17).

Untuk mengakui betapa beratnya dosa kita dan akibatnya, Gereja sebagai satu Tubuh harus datang kepada TUHAN dengan kehancuran dan pertaubatan yang sama. Semasa kita berhenti sejenak dan merenungkan karya penebusan yang sudah diselesaikan di Kayu Salib, patutkah kita terus selesa duduk di kerusi gereja dan membiarkan keajaiban rahmat itu melewati kita?

b e r d o a l a h :

- *Agar kita benar-benar dihancurkan untuk memahami kesucian Tuhan kita.*
- *Agar lahir suatu gerakan doa syafaat dan permohonan bagi Gereja.*
- *Agar Gereja menjadi teladan dalam hal belas kasihan, rahmat dan kesabaran terhadap semua kesalahan yang diderita.*

t i n d a k a n :

- *Lihatlah ke dalam hati kita sendiri dan periksalah sama ada kita benar-benar mengalami kehancuran dan pertaubatan. Ucapkan syukur kepada TUHAN kerana menggerakkan kita ke dalam pengalaman yang lebih dalam dengan Dia melalui persekutuan dalam penderitaan-Nya meskipun ia amat menyakitkan.*

n o t a :



Hari 32: 22 Ogos Tempat Kerja/Media

Menghapuskan Hutang

Ulangan 15.1–11

Emil Mettler, seorang pemilik restoran di London, sering memberi makan kepada orang tanpa minta bayaran. Dia bersedia membuka laci wangnya dan memberi sumbangan besar kepada organisasi Kristian yang memerlukan bantuan.

Pada salah satu peristiwa tersebut, seorang mubaligh bertanya sebabnya dia menyimpan satu paku sepanjang enam inci di dalam laci wangnya. Emil menjawab, “Saya menyimpan benda ini dengan wang saya untuk mengingatkan saya harga yang dibayar oleh Kristus bagi penyelamatan saya dan akan hutang saya kepada-Nya.”

b e r d o a l a h :

- Agar para peniaga Kristian menjadi pengurus setia bagi harta Tuhan. Menentang roh kedekut, menyorok dan mementingkan diri sendiri.
- Agar menara komunikasi, satelit dan saluran-saluran media menjadi saluran-saluran berkat Tuhan kepada bangsa.
- Agar ada peralihan kepada minda-Kerajaan Tuhan dalam semua jenis orang peniaga, pemilik tunggal perniagaan, peniaga sendiri dan juga penjaja.

t i n d a k a n :

- Ambillah keputusan untuk membatalkan hutang lama seorang pelanggan lama atau pembekal yang sedang dalam keperluan yang mendesak. Ambillah peluang ini untuk mengongsikan kasih dan pengampunan Tuhan.

n o t a :



RUMAH DOA BAGI BANGSA-BANGSA:

Etioopia

Golongan pelampau dalam masyarakat Kristian Orthodox yang merupakan kaum paling ramai, semakin kasar terhadap gerakan Protestan yang baru, yang sering diejek sebagai “Pentes” (Pentakosta). Di beberapa wilayah, gereja-gereja mereka direjam dengan batu dan naskhah-naskhah Alkitab serta bukunya dinyanyikan dibakar. Marilah berdoa agar penyelesaian daripada Tuhan berlaku dalam keadaan yang amat menggelisahkan ini.



Hari 33: 23 Ogos Pendidikan / Kanak-Kanak/ Pemuda-Pemudi

Jangan Berdosa Lagi

Yohanes 8.1–12

Pemuda-pemudi dan anak-anak pada hari ini lebih terdedah kepada godaan seksual berbanding masa dahulu.

Dalam kes perempuan yang tertangkap basah dalam perzinaan, Yesus berkata kepada orang-orang yang menuduh dia: “Sesiapa di kalangan kamu yang tidak berdosa boleh melemparkan batu pertama untuk merejam dia.” Pada saat itu juga, hati nurani mereka ditikam, lalu mereka pergi. Yesus juga mengampuni dia.

Adakah perasaan bersalah kerana berbuat dosa, masih menghalang sukacita dan membuat anda lupa bahawa pengampunan Tuhan itu berdasar PADA apa yang dilakukan Kristus? Mohonlah pengampunan-Nya, lalu bersyukurlah kepada-Nya dan jangan berbuat dosa lagi.

b e r d o a l a h :

- *Mohonlah pengampunan Tuhan atas kecenderungan kita meninggikan diri, menuduh orang lain atau bersikap membenarkan diri sendiri dalam isu-isu yang berkaitan dengan dosa seksual.*
- *Agar para pastor, penatua dan ibu-bapa ada hikmat untuk mengajar pemuda-pemudi tentang kenyataan hidup hari ini, dan apa yang dikatakan Yesus mengenai mereka.*
- *Bagi pemulihan para remaja Kristian yang terjerat dalam dosa seksual.*
- *Bagi pemuda-pemudi daripada keluarga yang berantakan, dan yang benci terhadap dosa ibu-bapa mereka. Berdoalah bagi penyembuhan dan pemulihan, agar mereka dapat membina perhubungan yang stabil dengan orang lain.*

t i n d a k a n :

- *Jika anda belum pernah bercakap dengan anak-anak anda atau mengajar mereka mengenai isu-isu seks, merancanglah untuk berbuat demikian dalam beberapa hari ini. Jangan biar mereka belajar daripada kawan-kawan atau filem atau dari Internet.*



RUMAH DOA BAGI BANGSA-BANGSA:

Eritrea

Pemerintahan Presiden Isayas Afewerki disenaraikan oleh Freedom House sebagai salah satu rejim yang amat menindas di dunia. Di penjara tentera Assab, kaum Protestan, lelaki dan perempuan, dimasukkan di dalam deram sebesar 44-gelen, lalu digulingkan untuk menyeksamereka. Adayang menjadi lumpuh dalam sebahagian tubuh sementara yang lain menderita kecacatan mata yang parah dan juga ketidakseimbangan mental. Berdoalah agar Tuhan menghiburkan anak-anak-Nya yang menderita.



Hari 34: 24 Ogos Kerajaan / Penguasa

Pengakuan

Daniel 19.1–19



RUMAH DOA BAGI BANGSA-BANGSA:

Cuba

Berdoalah agar lebih ramai orang dan jemaah dari negara-negara bebas akan pergi ke Cuba dan membawa Alkitab, buku-buku Kristian dan peralatan yang sangat diperlukan. Kebanyakan gereja di luar bandar tidak mempunyai Alkitab untuk orang yang baru menjadi Kristian. Dalam kebanyakan tempat, hanya 10% hingga 20% daripada jumlah jemaah memiliki Alkitab. Para pemimpin berkata bahawa hampir mustahil mengimport Alkitab melalui cara-cara yang rasmi.

Daniel seorang yang mencintai bangsanya. Walaupun dalam buangan, dia terus berseru kepada Tuhan memohon pengampunan dan belas kasihan. Dia sangat menginginkan Tuhan untuk memulihkan kemuliaan Yerusalem dan Israel. Selagi bangsa itu terlantar dalam reruntuhan, ia memalukan dan tidak menghormati nama Tuhan. Pada satu pihak, dia dan semua pemimpinnya bertanggungjawab atas keadaan itu.

Sering kali, kita cenderung mengkritik, dan tidak menyokong pihak pemerintah dan penguasa. Sama seperti Daniel, Gereja mesti terus berdoa syafaat dengan tekun bagi kerajaan untuk memastikan pemerintahan baik dan kebenaran ditegakkan demi kemuliaan Tuhan.

b e r d o a l a h :

- Bertaubatlah kerana acuh tak acuh dan mengkritik. Hati kita harus benar di hadapan Tuhan.
- Lepaskan pengampunan terhadap pihak penguasa kerana ketidakcekapan, birokrasi, prasangka, dsb.nya.
- Agar Tuhan memulihkan kebenaran dan keadilan di tanah air kita.

t i n d a k a n :

- Telefonlah atau tulislah kepada Wakil Rakyat anda pada hari ini dan beritahu dia bahawa anda telah mendoakan dan akan terus berdoa agar dia diberkati.

n o t a :



**Hari 35: 25 Ogos Bangsa-bangsa /
Suku Kaum**

Berbelas Kasihanlah

Ulangan 15.12–18; Yesaya 60.10–12

Malaysia adalah bangsa yang diberkati. Kita telah memperoleh manfaat daripada pekerja-pekerja yang datang ke sini untuk mencari nafkah, dan gaji mereka tidak terlalu tinggi. Banyak di antara kota-kota dan bangunan-bangunan kita telah dibina oleh orang dari Myanmar, Indonesia, Sri Lanka, dsb.nya. Di tengah-tengah semuanya, kadang-kadang kita mendengar mengenai perlakuan yang tidak baik dan kekasaran terhadap pekerja-pekerja tersebut.

Kita seharusnya berbelas kasihan dan bersyukur kerana mereka rela meninggalkan keluarga dan tanah air mereka untuk menolong kita membina bangsa kita. Walaupun mereka telah menimbulkan masalah, marilah membuka gudang belas kasihan, kebaikan hati dan kasih terhadap mereka dalam roh yang mengampuni, dan memperlakukan mereka dengan baik.

b e r d o a l a h :

- *Agar Tuhan mengampuni kita atas perlakuan yang kurang baik terhadap pekerja asing di negara kita.*
- *Agar orang Malaysia berhenti memperlakukanya mereka. Mohonlah rahmat Tuhan sementara kita bertekad untuk menunjukkan belas kasihan terhadap orang lain.*
- *Agar Gereja menjangkau ladang misi yang dihantarkan Tuhan ke depan pintu kita.*

t i n d a k a n :

- *Bertekadlah untuk menjangkau dengan kebaikan hati apabila anda bertemu dengan pekerja asing pada masa akan datang.*

n o t a :



RUMAH DOA BAGI MALAYSIA



Kelantan

Agar ada kasih dan kesatuan yang lebih dalam di kalangan jemaah dan gereja. Ada keperluan besar bagi pengawal dan pendoa syafaat untuk berdoa agar tujuan Tuhan dilaksanakan di dalam negeri ini. Bagi pencurahan Roh Kudus dan penembusan rohani yang besar.



Terengganu

Agar Tuhan mengurniai Mentri Besar dan semua orang dalam pemerintah, hikmat dalam melaksanakan polisi-polisi bagi negeri itu. Berdoalah agar pemerintah baru dan penguasa tempatan baru adalah orang-orang yang mempunyai kebolehpercayaan, cekap dan adil serta disenangi orang tempatan. Agar Gereja mendapat kerjasama yang baik dengan pemerintah baru ini. Bagi pintu-pintu terbuka untuk mengongsikan Injil kepada orang lain. Berdoalah bagi pelabur-pelabur baru untuk datang ke negeri ini dan supaya lebih banyak industri dapat didirikan.



RENUNGAN



Hari 36: 26 Ogos Peribadi

Saya Percaya

1 Yohanes 5.1–5

Sebagai orang percaya, kita menikmati faedah-faedah yang tidak terkira, hanya dengan percaya bahawa Yesus ialah Anak Allah. Bagaimanapun, beberapa di kalangan orang yang berasa paling takut dan khuatir yang kita kenal adalah anggota keluarga Kristus.

Perhubungan kita dengan Tuhan merupakan pengalaman yang berbeza sama sekali jika kita berjalan dalam ‘Saya percaya’ – dengan keberanian, wibawa dan keselamatan. Kita akan menuai dan menikmati kebebasan kehidupan yang berlimpah, yang kaya dan selamat. Perhubungan dengan Bapa kita ini akan melimpah dalam perhubungan kita dengan saudara seiman. Kita akan menikmati persekutuan yang indah dengan saudara seiman yang lain.

b e r d o a l a h :

- Agar semua orang ingin mencari perhubungan yang lebih dekat dengan Bapa kita dan dengan sesama.
- Agar kita bebas daripada ketakutan dan fikiran yang negatif, prasangka, persaingan dan sikap mementingkan diri sendiri.
- Agar kita mengasihi, memberi dan berkongsi dengan murah hati.

t i n d a k a n :

- Sebagai seorang pemenang, mahukah anda melatih orang lain? Hari inilah masanya untuk bermula. Lihatlah di sekeliling anda dan pertimbangkanlah dengan berdoa, peluang melatih seseorang hari ini.

n o t a :



RUMAH DOA BAGI BANGSA-BANGSA:

Peru

Peter Hocking, Pengarah Persatuan Mubaligh Segadores melaporkan bahawa “15 tahun yang lalu, apabila pengganasmaharajalela, gabungan doa umat Tuhan mengakhiri keganasan tersebut. Kini kami berseru lagi kepada umat Tuhan untuk sekali lagi berdoa untuk mengakhiri keganasan yang sedang merebak dengan cepat, sebelum kami ditimpa pertumpahan darah sekali lagi.”



**Hari 37: 27 Ogos Keluarga /
Rumahtangga**

Tunaikanlah Nazar Anda

Ibrani 13.4-5

Poster dan majalah berkilat mewarnai minda kita dan membuat hati ramai orang berdegup dengan cepat. Seruan pornografi menggoda kita dan berteriak meminta perhatian kita dari jalan-jalan dan langsung ke rumah. Mereka mengancam keluarga kita dan mengekori kita seperti maut yang datang dengan diam-diam. Bagaimanapun, masih ada pengharapan.

Kita mempunyai kebebasan untuk mengawal fikiran kita yang melayang-layang dan membawanya kepada Yesus Kristus. Marilah kembali merenungkan Firman Tuhan, berdiri dengan teguh di atas kebebasan untuk menang atas semua pencubaan dan memulihkan perhubungan kita dengan Tuhan dan keluarga kita! Kita bebas untuk memilih!

b e r d o a l a h :

- Agar kita membuat keputusan yang bijak untuk menjaga keluarga dan diri kita sendiri agar suci bagi TUHAN.
- Agar nazar perkahwinan dijaga dan dilindungi ketika berhadapan dengan tekanan kuat yang menentang perkahwinan.
- Bagi keluarga Kristian supaya menjadi kesaksian yang berkesan bagi kasih Allah.

t i n d a k a n :

- Carilah di kedai buku atau di perpustakaan gereja bahan-bahan yang sesuai untuk membantu seseorang yang terperangkap dalam pornografi dan jerat-jerat seksual yang lain. Beritahulah mereka dengan kasih caranya dibebaskan dalam Kristus.

n o t a :



RUMAH DOA BAGI BANGSA-BANGSA:

Ecuador

Penculikan, pembayaran 'cukai perang' kepada kumpulan bersenjata sudah menjadi kenyataan dan diwajibkan. Gereja-gereja, terutamanya yang terletak di kawasan sempadan Colombia, kebanyakannya muda dan tiada pengalaman dalam menghadapi peperangan antarabangsa terhadap dadah. Berdoalah bagi hikmat untuk para pemimpin gereja untuk menangani masalah ini.



Hari 38: 28 Ogos Gereja

Berterus-terang

1 Petrus 2.11–17



RUMAH DOA BAGI BANGSA-BANGSA:

Mexico

Rayuan kepada pihak penguasa negeri di Chiapas, untuk melindungi hak-hak dan keselamatan orang Kristian tempatan yang diserang oleh 'caciques' (ketua-ketua kampung tempatan) untuk menghalang penyebaran Kristian, tidak didengar sama sekali. Berdoalah agar pihak pemerintah campur tangan untuk menghentikan sikap tidak bertoleransi dalam hal keagamaan.

Jurgen Moltmann menulis: 'Manusia yang sudah tertutup tidak mempunyai harapan lagi. Orang seperti itu penuh dengan kerisauan. Masyarakat yang tertutup tidak mempunyai masa depan. Ia membunuh pengharapan hidup bagi orang yang berdiri di pinggirnya, dan akhirnya ia membunuh dirinya sendiri. Pengharapan dijalani dalam hidup, dan menjadi hidup, apabila kita pergi ke luar diri kita sendiri, dan dalam kesukaan serta kesakitan, mengambil bahagian dalam kehidupan orang lain.'

Jika Kristus menjalani hidup yang terbuka bagi orang lain, maka Tubuh Kristus mesti berbuat hal yang sama pada hari ini. Marilah dengan berani pergi melampaui ketakutan dan perasaan tidak selamat kita sendiri, dan menanggalkan topeng yang kita pakai. Tuhan telah menciptakan anda daripada kepelbagaian cara-Nya dan menjadikan anda unik sebagai anggota satu Tubuh. Di Gereja, ada kesatuan dalam kepelbagaian (1 Korintus 12).

b e r d o a l a h :

- Bagi keterbukaan gereja-gereja untuk mengongsikan sumber-sumber mereka tanpa halangan dan persyaratan. Dan untuk berjalan dalam kerendahan hati dan kasih.
- Agar Tuhan membimbing para pemimpin kita untuk bersikap terus terang dan terbuka dengan satu sama lain supaya membina ikatan kesatuan dan kebebasan daripada kritikan, perbandingan, persaingan dan iri hati.

t i n d a k a n :

- Tanggalkan topeng-topeng kita dan tinggalkan parti sandiwara yang bertopeng.

n o t a :



Hari 39: 29 Ogos Tempat Kerja / Media

Mengalahkan Kejahatan Dengan Kebaikan

Roma 12.14–21

Di tempat kerja, kemungkinan ramai orang telah dibawa ke Gereja oleh kasih Kristian yang dinyatakan dalam kemurahan hati berbanding semua hujah-hujah teologi. Kemungkinan lebih ramai orang telah dijauhkan dari Gereja oleh kekerasan sikap kita daripada semua keragu-raguan di dalam dunia.

Kasih Kristian termasuklah mengasihi musuh kita. Yesus berdoa, “Bapa, ampunilah mereka, kerana mereka tidak tahu apa yang dilakukan mereka,” suatu doa yang menyentuh kasih Tuhan, tenaga kuasa yang paling kuat di dunia. Ia mengalahkan kejahatan dengan kebaikan.

b e r d o a l a h :

- Bagi semangat yang berkobar-kobar terhadap jiwa-jiwa di tempat kerja dan bukan semata-mata bekerja untuk cita-cita sendiri, kekayaan dan status.
- Kerelaan untuk memberikan masa kita demi mengambil masa melayani rakan sekerja kita yang ada keperluan.
- Agar para peniaga Kristian tidak berkompromi dengan dunia dalam hal menangani pertelingkahan atau perundingan bisnes melainkan berdiri teguh menurut jalan TUHAN.

t i n d a k a n :

- Menolong seorang rakan kerja yang ada keperluan melalui perbuatan yang menyatakan kemurahan hati.

n o t a :



RUMAH DOA BAGI BANGSA-BANGSA:

Chechnya

Berdoalah bagi gereja Baptist Russia di Grozny. Inilah kali ketiga seorang pemimpin harus menderita kerana imannya. Pada Oktober 1998, Pastor Alexey Sinikov diculik. Kemudian, penggantinya, Pastor Aleksandr Kulakov, dipenggal kepala pada Mac 1999. Sekarang, pada 7 Januari 2003, saudara Victor Gik juga tidak ditemui lagi. Gereja itu terdaftar secara rasmi dan mempunyai kira-kira 15 orang anggota.



Hari 40: 30 Ogos Pendidikan/Kanak-Kanak/Pemuda-Pemudi

Dia Yang Di dalam Kita Lebih Besar

1 Yohanes 4.4–6

Anak-anak kecil dan pemuda-pemudi tidak terkecuali daripada tekanan perasaan, keputusan dan percubaan, yang semakin melanda masyarakat kita. Di tengah banyak pilihan dan tekanan pengejaran akan pendidikan, ada suatu kerinduan memperoleh kebenaran.

Anak-anak kita pada hari ini perlu dilatih dengan lebih bersungguh-sungguh, kerana jika tidak, mereka akan dibentuk oleh Internet, TV, radio dan tekanan rakan sebaya.

Apabila kita sampai kepada penghujung masa puasa ini, ingatlah bahawa mata air yang memberi kehidupan ada di dalam diri anda. Bersukacitalah kerana tiada seorang pun yang dapat mengambil Roh Allah daripada anda. Dia yang ada di dalam diri anda lebih besar daripada dia yang ada di dalam dunia. Anda boleh mengubah dunia bagi Yesus.

b e r d o a l a h :

- Bagi perlindungan terhadap godaan dan penipuan budaya dunia pada hari ini. Terhadap ketakutan, perasaan takut, dan sikap pengecut.
- Mohonlah Tuhan menyembuhkan emosi dan minda anak-anak. Keberanian untuk menolak dan menang atas tekanan rakan sebaya. Hikmat untuk mengetahui bagaimana menangani kebenaran.
- Perhubungan antara ibu bapa dan anak-anak akan semakin erat.

t i n d a k a n :

- Ambil masa bersama dengan seorang yang masih muda hari ini.
- Pemuda-pemudi, kongsi kanlah ketakutan dan pergumolan anda dengan ibu bapa, atau dengan pemimpin pemuda-pemudi, atau dengan seorang teman yang dewasa dalam iman.

n o t a :



RUH DA BANGSA-BANGSA:

Uzbekistan

Artikel 8 dalam undang-undang agama Uzbekistan mengharamkan kegiatan apapun organisasi agama yang tidak berdaftar, dan melanggar komitmen negara itu terhadap hak asasi manusia antarabangsa dalam Perjanjian Antarabangsa mengenai Hak-Hak Awam dan Politik. Berdoalah agar Pemerintah akan menegakkan komitmen antarabangnya dan membenarkan orang percaya untuk berkumpul dengan bebas di gereja-gereja.



Hari Kemerdekaan
31 Ogos Kerajaan/Penguasa

Yesaya 56.7

Hari inilah hari terakhir dalam 40-hari Puasa & Doa. Kita mesti percaya kepada janji-janji Tuhan bagi bangsa kita dan menjadi pelaku firman-Nya semasa kita meneruskan perjalanan untuk menyebarkan api “Rumah Doa bagi Malaysia.” Sementara kita mengongsikan hidup kita dan negara kita dengan Dia, kita membiarkan Dia untuk mengongsikan hidup-Nya dan Kerajaan-Nya dengan kita!

Harapkanlah suatu kebangunan yang hebat berlaku, yang tidak dihalang oleh manusia atau penguasa manusia!

Pujilah Tuhan atas:

- *Dorongan dan ilham yang kita telah terima.*
- *Malaysia – agar destininya dalam Tuhan dipenuhi.*
- *Keadaan politik, ekonomi dan sosial bangsa ini yang baik pada keseluruhannya.*
- *Kesetiaan dan ketekunan orang Kristian untuk terus mendukung bangsa ini dalam doa.*
- *Bagi kebebasan sejati untuk menikmati kebebasan beragama, kelaziman sosial, kestabilan keamanan dan politik.*

t i n d a k a n :

- *Rayakan Hari Merdeka pada hari ini dengan mengambil peranan dalam acara masyarakat atau perayaan kebangsaan di bandar anda. Taburlah benih prihatin dan kasih di mana sahaja anda berada, misalnya, menjadi kawan kepada siapa sahaja yang Tuhan beri kita peluang berjumpa, apapun latar belakang agamanya.*

n o t a :



RUMAH DOA BAGI MALAYSIA



Sarawak

Berdoalah agar Tuhan membangkitkan para penterjemah bagi suku-suku yang belum mempunyai Alkitab dan untuk melepaskan kewangan bagi pelayanan ini. Bagi pertumbuhan dan peneguhan iman di kalangan orang tempatan. Berdoalah agar pekerja gereja di kalangan mereka semakin bertambah. Agar peniaga Kristian dan semua orang yang bekerja menjadi teladan cemerlang dalam hal kebolehpercayaan.



Sabah

Berdoalah agar tempat-tempat persembunyian pengganas didedahkan dan pengawalan keselamatan tetap berkesan di sepanjang pantai laut. Agar ada hikmat bagi polis untuk menangani ancaman lanun. Agar kerajaan berlaku adil untuk menjamin penghentian pertentangan politik, kompromi dan perkongsian kuasa serta membawa kemajuan dan kesatuan dalam negeri. Bagi restu dan berkat atas gereja-gereja supaya lebih banyak yang ditubuhkan.



RENUNGAN

Kesaksian Anda Berkuasa, Oleh itu Sila Kembalikan Borang Ini Kepada Kami



Terima kasih kerana mengambil bahagian dalam Terangi Bangsa Kita 2004. Kami amat menghargai jawapan balas anda sebagai rakan dalam gerakan doa bagi bangsa kita. Sila berikan butir-butir kesaksian yang tepat atau laporan agar kita dapat mendorong orang lain.

Mahukah anda ditambahkan pada senarai penerima surat kami? ☐ YA ☐ TIDAK

Gelaran: _____

Nama Penuh: _____

Alamat: _____

_____ Poskod: _____

Tel/Faks: _____

E-mel: _____

Nama gereja atau kelompok doa:

Nama orang yang turut terlibat dalam kelompok anda (jika berkenaan):

Adakah kesaksian yang jelas atau mendorong yang anda sudah dengar atau alami selama 40 hari ini?

Doa-doa yang dijawab semasa atau selepas 40 hari:

Mahukah anda mendapatkan maklumat atau bantuan mengenai:

• Berdoa 24-Jam bagi Malaysia ☐ YA ☐ O

• Latihan dan seminar mengenai doa ☐ O

• Perisai Doa Pastor ☐ O

• Memulakan dan meneruskan ☐ O kelompok doa, misalnya, di tempat kerja

Mahukah anda melibatkan diri dalam jaringan doa yang sudah ada di pekan/kota/negeri anda atau terlibat dalam memulakan satu jaringan doa jika belum ada yang dilaksanakan?

☐ YA ☐ TIDAK

Sila kembalikan kepada:

Komisi Doa NECF Malaysia

Alamat: 32, Jalan SS 2/103,

Petaling Jaya 47300

E-mel: prayer@necf.org.my atau

Faks: 03-77291139



RENUNGAN

This image shows a blank sheet of white paper with horizontal ruling lines. The lines are evenly spaced and run across the width of the page. There are no margins, text, or other markings on the paper.

Perhubungan Perkumpulan Doa Merdeka



<i>TEMPAT</i>	<i>ORANG TANG DIHUBUNGI</i>	<i>NO. TELEFON</i>
Kangar	Pr Heng	04-976 7853
Alor Setar	Pr Donald	04-733 1712
Penang	Pr Andrew	04-642 5709
	Pr Soon Hock	04-228 7110
Seberang Prai	Pr Raj	04-582 0136
Taiping	Dr Dhoss	019-550 8987
Ipoh	Pr David	05-547 2994
Sitiawan	Pr Ling	012-528 4281
Teluk Intan	Pr Rachael	05-621 1392
Simpang Empat	Pr Timothy / Pr Joseph	012-277 1530
Cameron Highlands	Rev Vijendra	05-491 3249
Rawang	Pr Sim	03-6091 8150
Kajang	Pr Kala	03-8736 1890
Seremban	Pr Voon	06-765 3777
Malacca	Pr James	06-231 0371
Muar	Bro Daniel	06-951 9520
Kluang	Pr Sunther	019-726 7634
Batu Pahat	Sis Aileen	07-431 5334
Johor Bahru	Pr John	012-738 4904
Kuantan	Pr Richard	09-517 7127
K. Terengganu	Pr Koshy	09-617 0830
Kota Bahru	Rev Johnny	09-748 2331
Kuching	Pr Ned / Kenny	082-571 979
Miri	Pr Pengiran	085-413 844
Labuan	Rev. John	087-412 948
Kota Kinabalu	Pr Chin	088-422 938
	Dr Philip Lyn	088-238 668
Tawau	Pr Sim	089-772 212
Lahad Datu	Pr Daniel	089-881 891